

文苑英華卷第五百七十六

表二十四

節度刺史讓官

爲揚許州讓右羽林將軍表一首

爲皇甫懷州讓官表一首 爲鄭資州讓官表一首

爲第二舅讓江州刺史表一首

爲臨川王嗣宗讓陝州刺史表一首

爲竇孝謚讓潤州刺史表一首 讓容州表二首

代孤獨將軍讓魏州刺史表一首

爲崔使君讓潤州表一首

代裴相公讓河南等道副元帥表一首

謝讓加銀青福建觀察使表一首

代杜相公讓河南等道副元帥表二首

代杜相公讓劔南元帥表一首

代杜相公讓將相封爵表二首

為楊許州讓右羽林將軍表 宋之問

臣某言伏奉今月二日制書除臣忠武將軍守右羽林將

軍五色無主如驚葉縣之龍千秋來歸似對遼門之鶴中

謝臣聞為官擇人集作才先辟之成務陳力就列古人之用

心臣家本關西衣冠河曲素業將墜莫嗣英靈朱輪載輝

謬承恩渥未盈一紀連刺九州西涼本六部之樞南荆乃

九州之會蒲藩關左之重鎮魏郡山東之奧區宣城襟帶

於吳郊許昌密邇於周室每耻政逾期月乏來暮之歌候

易星霜無去思之詠隼旟廻復日忝恩榮熊軾往還多慙

道路出居岳牧負尸祿之譏入計河都待曠官之責不意

天私俯宥辱獎曲成擢之類表無之字以心膂之官賜之類表無之

字在爪牙之地非常之澤捧戴失圖天衛凝嚴北軍清切

風霜劔騎頓玄武之僊闔龍馬集作鳥旌旗環紫微之帝座

掌斯嚴祕必屬親賢臣也何顏敢膺殊寵當今鷓鴻接翼

文武周身咸皆實已過名位未克量臣內求諸已外媿妨

賢若使愚臣苟安於私懷聖授不允於清議陶鈞雖廣無

路自容其實由衷讓非飾跡伏乞垂收渙汗更授類表作瓌

材軍司得人臣謂報國無任傾類表作欣幸媿負之極謹詣朝

堂上表陳讓以聞

千秋集作千歲木冠河曲

集作族非河北

關左

集作關右

克量

集作克德

為皇甫懷州讓官表

前人

臣某言伏奉今月一日制書除臣使持節懷州諸軍事守

懷州刺史成命俯臨競竟自失妨賢不退無德而升恩屢

錫而知慙祿彌高而轉懼

中謝臣

聞國經選士有一善而

不集作無

遺天爵與能從九徵而可試

臣薄遊憲府累踐禮

闡衣繡無執簡之才起草愧含香之列移官望苑日月其

除駮駕梁園治埃莫効剖符南峴既慝民謠

集作既

作鎮

西河未寬人隱二

一作

邦為政撫熊軾而無功

集作無補

八使

廻軒同鶴鳴而有薦遂迺謬需東帛猥賜褒揚頓掩前瑕

更延今寵山陽大郡河內名區桑竹蔭淇水之西井田雜

印山之北將何以潤通京邑化接神州雖勉三載之勤何

補集作

一年之借封畿之要歷選稱難臣也胡顏敢膺斯

寄伏乞再求遺玉更網潛珠庶使賢才申共理之心

集作能

聖主得分憂之地無任叨竊之至謹詣朝堂奉表陳讓以

聞臣所讓人別狀封進

為鄭資州讓官表

陳子昂

臣某言伏奉某月日勅

集作制

以臣為資州刺史恭承璽命

祇拜寵章匪服知慙循榮如失

中謝

臣學慚名術才乏器

能而寶曆逢時金章坐忝題輿佐岳無展驥之能

集作庸

竹專城闕懸魚之化坐嘯徒積主諾空慙伏惟陛下革命

開基造天立極方且弘宣帝典大啓皇猷而四岳觀風不

開基造天立極方且弘宣帝典大啓皇猷而四岳觀風不

虛其任六條班集作政允屬其人集作臣疲朽已侵循良

久昧將何式過集作刺舉允叶得人伏願慎選英髦集作

才克諸僉議使人光共理政洽惟良大周之命惟新愚集作

之責攸息其所讓人具列集作前狀

為第二舅讓江州刺史表 李嶠

臣某言伏奉恩制以臣為江州刺史寵命載臨憂惕若厲

臣某誠惶誠恐頓首頓首死罪死罪臣行踈道缺學淺藝

空百里弦歌渺蒲密之化六條贊貳之海沂之績幸屬乾

坤政且堯舜為君下邑多淳朴之氓太平無峻切之政遂

得逾安高秩未抵直繩尚且叨價藩廷竊譽人口挂二星

之光彩達九臯於霄漢畫餅虛名孰云可錄素餐厚責猶

懼未弭不謂聖恩旁暢天造曲成錫大官之印綬剖專城

之符竹飲水懷炭內慙外悚况夏首西浮水陸交湊荆門

東會舳艫相接是謂九江之府實殷三楚之郊旋顧庸虛

本慙幹理將何以階浮獸之政術奉錫龜之職貢負乘之

累豈但於身災敗駕之憂慮虧於國重臣雖貪冒苟在進

趨至於上負帝難下速官諉猶恐知懼不敢寢默伏願

光三舍收霈九天徵漢濱之翹楚罷燕宮之緹襲則共理

之寄無蹇於外臺得賢之什復聞於中宸無任悚慙之至

謹詣朝堂奉表以聞

為臨川王嗣宗讓陝州刺史表 前人

臣某言臣謬延殊獎改牧大藩由中之祈已薦於宸宸恤

陸賜

下之鑒未迴於霄極祗奉還命啓虬失圖臣某誠惶誠恐
頓首頓首死罪死罪臣地則葭草質惟樗散實慙淮南好
古之意有謝東平爲善之樂徒以攀光日月藉慶雲霄遂
得升降玉除珮服金璽四科取士本異賢良五等建侯自
緣恩澤常懼貽累宗室取笑衣冠上缺麟趾之風下招鷄
翼之刺不謂聖慈愈厚天造彌隆收其十合之才委以六
條之任雖臻榮益觀竊怍於如絲而謬職妨賢顧慙於匪
一作服况神臯名岳天府上腴是殷帝畿實始王化東則
二南作頌有周召之餘風西則三輔式歌望趙張之遺迹
顧循庸昧本慙政理將何以肅庶殊典崇藩屏之位繼踵
前良致京師之福不能者止竊銘於夙心非擬必危敢忘
於大誠伏願暫紆聖鑒俯收愚款永懷至公之道特竊曲
私之澤則符竹有寄長無尸素之譏榘薪得才不失朝廷
之序無任慙懼之至謹重詣朝堂奉表陳請以聞

爲竇孝謙讓潤州刺史表

前人

臣某言伏奉恩制以臣爲潤州刺史祗奉寵榮俯仰慙惕
臣某誠惶誠恐頓首頓首死罪死罪臣尺澤輕生斗筲淺
一作品行非三德藝之四科屬雲雨曲成山川廣納遂得
差有冕笏筵羽鴛鴦自兼一作司天地副象河海空陪九
卿之未詎達三禮之源栢梁賦詩徒述鍾磬槐市講藝更
慙几杖當曰一作妨賢獲罪豈以稱職爲功而皇矣高臨
霈然降澤乃爲棘寺還剖竹符入奉千乘之尊出當六條

之寄叨恩竊幸自初泊未夫以下邑樹風是惟政本外臺
驅傳實恧人極薛宣以理劇有才滿歲加授龔遂以撥繁
無効數月召還歷力選前獻實資共理安可使赤綬虛忝素
鬻高詠伏願敦名噐之實絕過謬之私更簡良才言刈其
楚則山谷耆老方懷樹李之觀江湖吏人不起伐檀之刺
無任悚懼之至謹詣朝堂奉表以聞臣所讓人具如別狀
臣某誠惶誠恐頓首頓首死罪死罪謹言

讓容州表

元結集無

臣結言臣伏奉今月二十二日勅授臣使持節都督容州
諸軍事守容州刺史中丞充本管經畧守捉使四月十六
日勅到二十一日發付本道行營臣實愚弱謬當寄任奉

詔之日不獲

疑憂懼

臣結中謝

臣聞奉於家者忠於國以

事君者無所隱

臣有至切不敢不言臣實一身奉養老母

醫藥飲食非臣不善臣暫違離則憂悸成疾臣又多疾近

日加劇前在道州黽勉六歲實無政理多是假名頗請停

官使司不許今臣所屬之州陷賊歲久頽城古木遠在炎

荒管內諸州多未賓伏行營野次向十餘年在臣一身為

國展効死當不避敢憚艱危但以老母念臣疾疹日久時

方大暑南逾火山舉家漂泊寄在湖上單車將命赴於賊

庭臣將就路老母悲泣聞者悽愴臣心可知臣欲扶持版

輿南之合浦則老母氣力難於遠行臣欲奮不顧家則母

子之情禽畜猶有臣欲又辭老母則又污辱名教臣欲便

不之官又恐稽違詔命在臣肝腸如煎如燭昔徐庶心亂先主不逼令伯陳情晉武允許君臣國家萬代爲規伏惟陛下以孝理萬姓慈育生類在臣情志實堪矜愍臣每讀前史見吳起遊官噬臂不歸溫嶠奉使絕裾而去常恨不逢斯人使之殊死臣所以冒犯聖旨乞停今授待罪私門長得奉養供給井稅臣之懇願塵黷天威不勝惶恐謹遣某官奉表陳讓以聞

再讓容州表

前人

草土臣結言伏奉四月十三日勅以臣前在容州殊有理政使司乞留以遂人望起復臣守金吾衛將軍負外置同正負兼御史中丞使持節都督容州諸軍事兼容州刺史

克本管經畧守捉使賜紫金魚袋忽奉恩詔心魂驚悸哀慕悲感不任憂懼臣某中謝臣聞苟傷禮法妄蒙寄任古人所畏臣敢不懼國家近年切惡薄俗文官憂免許終喪制臣素非戰士曾忝臺省墨縑戎旅實傷禮法且容府陷沒十二三年管內諸州多在賊境臣前行營日月甚淺宣布聖澤遠人未知有何政能得在人口使司過聽誤有請留遂令朝廷隳紊法禁至使愚弱穢污禮教臣實不敢踐古人可畏之跡辱聖朝委任之命敢以死請乞追恩詔前者陛下授臣容州臣正任道州刺史臣身病母老不敢辭謝實爲道州地安數年祿養容州破陷不宜辭避臣以爲安食其祿蹈危不免此乃人臣之節其時臣便奉表陳乞

以母老地遠請解職任陛下察臣懇至追臣入朝臣以爲
不貽憂歎榮及膝下人子之分不圖恩勅未到臣丁酷罰
哀號冤怨無所迨及今陛下又奪臣情禮授容州臣遂行
則亡母旅櫬歸葬無日几筵漂寄奠祀無主捧讀詔書不
勝悲懼臣舊患風疾近轉增劇荒忽迷忘不自知覺餘生
殘喘朝夕殞滅豈堪金革能伏叛人特乞聖慈免臣所請
收臣新授官誥令臣終喪制免生死羞愧是臣懇願臣今
寄住永州請刺史王庭璈爲臣進表陳乞以聞

代獨孤將軍讓魏州刺史表

獨孤及 集無

臣莊言伏奉今月十九日制書以臣爲中大夫持節魏州
軍事守魏州刺史寵命光臨心靈震奪 中謝 臣才質汚

濫學藝空疎往緣乏人謬參多士膏雨降而鮮鱗躍和風
流而短翮飛遂以庸微累升清貫天臺望重始預廊官帝
贊務殷仍霑縣宰翊州司而罕効撫邊鎮而何功睿澤旁
滋皇明遠照曲顧先臣之舊不忘支屬之姻遷臣以大樹
之榮揔臣以儀本之任旣而力微招青綠厚延疴深慮即
填溝壑不得重趨階陛伏屬天地仁慈聽臣入都醫瘵承
恩之日頓減焦勞在路已來小將瘳瘳若何以仰祇嘉惠
俯策疲駑當河北之奧藩忝山東之厚寄魏郡太守豈岑
熙之可攀冀州刺史寧籍章之敢列伏乞迴光歛露寢汗
停綸矜臣竊位之誠遂臣量能之請庶知人之鑒影響不
差循吏之聲暮年而至無任忝冒屏營之至謹詣朝堂奉

表陳讓以聞其所讓人別狀封進

為崔史君讓潤州表

前人集無

臣某言伏奉今日日制書以臣為使持節潤州諸軍事潤州刺史散官如故前命甫流後恩遽集進退惟谷憂喜聚門臣某中謝臣材質孤陋藝能鄙薄徒以頗承舊業遂得歷踐清資國庠司級一作既非所據六衛陪軒又無足採久欲避賢公府移疾家園不悟冲眷曲臨殊私屬委瓠溝東望始拜寵於韓臺竹里南浮遽遷榮於楚澤何以仰承皇寄俯緝昨謚伏乞日月迴光雲雨流霈深惟鑒察改任良能則朝有至公臣知免矣無任屏營之至

代裴相公讓河南等道副元帥表

常衮

某言伏奉今日恩制以臣兼東都留守河南淮西山南東道副元帥伏以東征之寄相宅之選皆周召之臣保釐統一也故二南風化見美詩人况洛邑經陸渾之戎有舊染之俗賴陛下發皇明以燭之布陽和以煦之流散稍歸傷殘甫起然猶師居一作之任宜得經濟之才自河而南至於吳楚節制戎律半於天下非宏畧傑出功冠一時不可以專五侯九伯之征揔衣裳兵車之會臣以衰朽薄劣待罪台司塵辱尸忝無裨朝政每趨宸陛益愧周行豈謂殊常之恩屢出非望注意之責并在微軀憂懼慙惶寸刻難措臣聞唯名與器不可假人審已量力未宜虛授若貪榮冒寵黽俛苟容神明昭昭必速其害伏望歷求類表百

辟委之兼才以分三老之任用增九鼎之重則至公大行
群下知勸無任懇迫之至

謝讓加銀青福建觀察使表

前人

臣某言伏奉五月二十五日

類表無五字

恩制授臣銀青光祿

大夫使持節都督福建諸軍事福建刺史充福建等州都

團練觀察處置等使以今月二十一日

類表作二十三

至所部上

訖臣負恩至深中

類表作曆

慈曲宥待罪猶近殊渥存臨

一作加

蕩滌瑕累超遷方任寵榮非次荷懼失圖臣誠恐誠喜頓

首頓首臣本性下愚起自孤賤代耕之望心在於斯經遠

之道

一作謀

實非所及先朝驅策以奉綸言曲承眷私累漸

階歷遂叅重務有敦彝倫未申報効未負天地寧由自作

罪在難容伏以宸斷察微聖慈憫下抑群議以屈法捨高

死以矜愚猶委藩條不坐親屬如臣之比前例所無戴感

競惶

類表作感戴競慙

殞越無措

一作惶拆

誓將沒齒効職南荒刻責

自新庶補前咎常恐惡聲已被有汙於史冊朽骨縱歸實

穢於泉壤豈謂天波一洗塵渣忽除面目何施灰粉亦足

聖朝使過始自庸臣特賜崇階超授連率臧論之貸曾未

周星錄用之榮頓極今日素多孱劣又乏幹能將何以式

過外虞澄清列郡

一作部

幸遇德音頻降霈澤普覃惠恤困

窮均省財賦盡除疾苦莫不昭蘇海隅蒼生自樂淳化臣

奉宣清問遠布皇猷老幼懷安抃躍相慶臣才非所任不

敢冒榮必招無德之殃恐致負乘之愆伏請削除三品退

守一州冀循恒資免至踰分庶廻宸鑒俯恤一作遂血誠所
忝榮班請授能者無任戰荷懇迫之至謹差特進試鴻臚
卿臣郝誠溢奉表謝恩陳乞以聞

代杜相公讓劍南元帥表

前人

臣鴻漸惶恐言臣本自諸生素乏經邦之具無才無行至
愚至拙其所望者在寸祿代耕而已往屬先帝中興時方
草昧攀附日月遭逢盛時獲奉馳驅遂蒙委遇毫髮未報
哀惶靡及陛下龍飛踐祚俊又滿朝猶顧微臣使參大政
備位宰輔出入六年上不能調和陰陽下不能親輔百姓
朝典隳廢聖慮憂勞其心愧耻中夜三嘆况外統群帥遙
制戎閫在臣懦劣非所堪任墨者受命而行屬西南未安

中外所主

一作注

雖有危難臣不合辭崔寧頃至朝廷親授

經畧及達

一作還

方鎮事頗條理叔明獻恭竝是良將自蒙

一作承

擢用甚允聲實可以倚辯竝堪獨任且將在閫外事

得專之遠道取決恐失要會坐而臨制誠亦非宜今又靖
謚臣何所効豈苟貪榮利以固寵榮類表蓋鎮撫四夷宰

相之任也陛下不以臣薄陋待罪昂司至于疆事不修戎

車未息實得參議任其安危無以

一作所

裨補皆臣之罪也

何必一方之務獨有責成特乞下鑒愚懇俯停戎號則王

一作天

朝無兼授之寵臣下有知止之分昧死上言冀廻宸

睠無任惶迫屏營之至謹奉表陳露以聞

代杜相公讓河南等道副元帥表

前人

臣某言伏奉今日恩制以臣兼河南江淮山南東道副
元帥祇奉詔書俯伏流汗驚悚惶灼若無所容臣某誠惶
誠恐頓首頓首臣聞將帥者四方之守中夏垣翰也上以

衛社稷外以撫戎夷

前篇作四夷

國容不入於軍閫

類表作門

戎事

得專其將命漢讓韓信以安危存亡之地齊擢穰苴以文
武威附之名所授既難所責亦重非才而處鮮不敗事臣
固陋無識蒙國厚恩遭時備位塵辱華衮見貽匈奴之哂
不副蒼生之望効拙無補六年曠官陰陽愆和政理乖度
金革未戢水旱相乘常待罪於策免敢希恩於望外臣所
以徘徊渥澤尚忝中樞豈持祿保身苟自容也以其瀝誠
未墜不敢固辭頃者即戎巴蜀摠制群師屬兩川未安遂

任憂責而邊患稍息方隅甫寧此蓋憑神武之威用廟勝
之策不然者將顛沛是懼豈望於天幸哉陛下覆之如天
容之如地矜其疾病察以愚懇特蒙優詔獲上兵符喜忭
未寧遽承新命東南至海俾護諸軍外綏四國專制萬里
以天子二老之任會諸侯九合之師事之濟否所繫尤大
在臣懦劣非所克堪誠願飾愚磨鈍展効毫髮以報所授
之恩以勤所忝之職而器非所適力又不任加之衰老事
多廢忘豈可訓師詰禁以張威武

前篇作衰職

伏冀求方叔南

仲之賢授統一專征之寄天下大柄豈私於臣實恐傷陛
下之知人干處士之橫議誓將死請輒露血誠輕黷威嚴
庶迴宸斷無任懇欵屏營之至

第二表

臣某言伏以智小識淺懇辭新命德音緬邈聖旨如初憂

悸慙一作驚惶寸陰難處情有所迫再贖宸嚴冀天光之下

濟期夕殞之無恨臣某誠惶誠恐頓首頓首臣聞以賢授

任猶誠盈滿無德而祿固宜思前篇退如或不量其分苟

患失之貪榮冒寵以曠職事禍之所伏亦可畏也臣孤陋

疵賤自視缺然遭遇類表盛時謬此榮達得以貂蟬衮服

趨侍雲陛擁旄杖節統護戎師崇班厚遇前篇頓極於此

退自惟省夙夜慙惶類表內曠論道經邦之位外乏濟河

登山之功但終恩眷萬不酬一四方歸責喧喧盈耳陛下

矜其不逮近罷即戎未踰旬時又辱謀帥私懷爽絕以

以情普光武見事於千里之外諸將授類表成筭而已陛

下聰明神武超然過之數濟多難類表戎大定今天下

方鎮東南類表最寧九字一作天下但委之將守授以經

畧自可致理又何足虞豈必以不才之臣竊一作非據之

位加之衰憊難於力強陛下知人則哲閔臣竊位之愚固

當降殊私之貸開至公之選倘以懦敗事謗缺上聞雖欲

宥之其可及前篇也昧死陳乞庶鑒愚誠祈於必從不敢

有隱伏冀收春雨之既降廻朝陽而見燭俾不能者止實

望於曲成之仁也無任懇迫屏營之至

右二篇又載五百七十四卷前已削去

代裴相公讓將相封爵表

前人

臣某惶恐言臣聞無德而祿殃咎必至又鬼神害盈而福謙蓋經旨一作籍之明言聖哲之垂誠也臣儒門孤賤行拙

性愚自其散棄豈望榮達時來驟進任遇頗一作崇重備位

將相無補聖朝道惡其滿天與之疾素有氣癰兼之風眩

又多煩躁事劇則昏伏以軍國重務猥承參決強策駑朽

以親事任精爽潛耗病源益深近日有加曠旬彌一作綿滯

食不知味所進殊少形神憔悴惘惘不樂聖慈憐憫一作恤

恤一作曲念微生御膳一作藥名醫屢蒙降錫霈然有喜載感

於渥恩終亦無瘳復增其沉涸豈不以祿秩過量憂負在

心強其不逮之分促其有終之限以茲速疾固亦明徵且

臣子之急必告君父在臣今日實堪憐憫以陛下之知臣

豈獨厚其爵位也以陛下之念臣豈不存一作全其骸骨也

臣以冒寵則憐於危殆辭榮則安於攝衛伏冀特廻宸眷

俯察愚誠削除官爵使養衰疾庶垂白之年受賜於陛下

生成之德有過於天地無任懇迫屏營之至一作皆唐類表

第二表

前人

臣某言伏以衰疾沉綿久曠樞務憂惶迫切不敢自安一作專

所以昧死上將相列侯印綬披瀝丹愚再有陳乞顧景

待命還旨如初窮情未達轉益危困臣誠惶誠恐頓首頓

首臣內顧微躬自量拙分無片善可取無一事可稱皆緣

際會參務軍國尸榮竊位公責所歸且智小謀大鮮不敗

事福過災生常然之理一自嬰瘵一作疾旬朔未瘳大減服

食晦明異候竊料氣力衰憊恐先犬馬乞遂閑退庶安形
神且臣素疵賤敢期貴達常慮薄質不堪重任今祿位俱
極過逾涯分致此沉痾得非害盈思自損抑冀通神理又
不親政事歷受寵榮廢公曠時益用慙懼所以塵蹟旒袞
至于再三情迫於茲敢有所隱愚朴之性陛下素知加以
危頓豈容矯飾伏望罷其新一作所授貸以微一作殘生昔漢
魏近臣有以期暮一作年久疾者則賜告就第或再起復位
若大限未盡羸疴漸平聖慈不棄驅策非晚重得珥貂丹
禁條紫玉墀則微効獲申所乞無幾如或殆至深慮何必
蹙榮儻生遂其志沒無所恨矣實冀皇天聽卑於在上太
陽廻舍於志誠一作生成俯納誠祈退令攝衛衰朽餘齒殊私
曲全受賜則多生涯之幸臣無任懇迫之至

為皇甫懷州讓官表一既惡民謠集作既無功集作無何補集作何

之心集作能

校正五十八字補校記三十七字

戊寅九月二十七日截圍老人

華卷第五百七十六

文苑英華卷第五百七十七

表二十五

文官讓官

代王尚書讓官表二首

為李景謚讓天官尚書表一首

讓地官尚書表一首

為歐陽通讓夏官尚書表一首

為楊執柔讓夏官尚書表一首

為歐陽通讓司禮卿表一首

為司禮武卿讓官表一首

為崔神基讓司賓卿表一首

為司刑袁卿讓官表一首

為司農李卿讓官表一首

為宗楚客讓管繕太監表一首

為王遺恕讓殿中少監表一首

為第十舅讓殿中監兼仗內閑廐表一首

讓麟臺少監表一首

為田歸道讓殿中監表一首

讓成均祭酒表一首

自內史再讓成均祭酒表一首

讓吏部侍郎表二首

代王尚書讓官表

臣某言臣聞綆之短者無以汲深馬之疲者無以致遠臣

實凡淡素之器能委自效官累蒙驅策服勤中外三十餘

年始奉將作遽加節制叨尹京觀之任每副八座之權空

勵驚鉛竟無補裨陛下寬其罪戾特見優容尚列周行更

升榮級臣以殿中監依前檢校刑部尚書未經數月又集

賢待制豈臣才能及此皆是明主曲成感戴殊私不忘寢

食誓將竭節以報國恩而去歲已來累嬰嬰沉瘵形神久殆

筋力漸微在暇暇日多朝天未克顧惟所職倍益兢惶地近

一作通通宮闈事繁供應統茲六尚之務不可一日缺人以臣

之曠所害尤甚雖欲匍匐就列支持守官力所不任難於

自勉伏乞矜臣不逮許停此官在臣血誠實惟志願無任

懇迫之至

第二表

臣某言臣聞為臣事君貴於無隱情有所切必以上聞一作言苟易茲道即非盡節臣以衰憊形貌支離自冬徂春心勞力竭竊料旬月之內未能趨拜闕庭殿省務殷實憂廢失昨以所瀝上請乞罷此官天路高深未能允納伏覲墨詔冰炭交懷且人之立身大抵榮祿蓋有欲之而不得未
有得之而願辭今臣務摠六尚位雖九列往來中禁輝映當朝在臣私門實深慶幸若力能奉職智可効官豈敢罔冒天聽堅為飾讓推之物理况見愚衷又臣疇昔之志每懷勤恪比雖綿悒倍益殷憂小有供擬盡關心慮以茲重困轉覺疲羸伏乞天慈察臣不逮僅獲免所職俯救沉痾
生成之恩無以堪比無任懇迫之至

為李景謨讓天官尚書表

李嶠

臣景謨言伏奉恩制以臣為天官尚書寵命載臨震悸交集鞠躬自覲屏營無措臣景謨誠惶誠恐頓首頓首死罪死罪臣聞俊又在官百揆所以時叙名器妄假九流於是咸曠事關隆替義難忝越臣才踈行缺學淺智空十舍無千里之資一經乏三冬之教一作徒以遭逢昌運始因藉時一作幸兩露一作雲雨之曲成遇山川之廣納遂得差有冕笏比跡流品出入臺省周旋階闈鏘金鳴玉坐榮枯朽擊水搏風顧慙腹背自忝司衡鏡一作函易一作積星灰雖智力已窮而清通未效朱紫多紊涇渭莫辨宜其抵罪觸網稍清

官謗翻乃假寵增服更垂天獎是用荷恩內訟以榮爲憂
且夫八座位隆五曹望重典南宮之候舌象北斗之樞機
式資藻鑑奚綜宿實自非孝先亮直彥輔公忠一作山濤
之簡靜篤素顧譚之心精體密何以對揚天哲厭塞人望
顧斯政本實撝國憂豈臣庸愚所堪尸忝伏願迴光寢照
返汗收恩察臣由衷之請矜臣陳力之議則朝端允穆天
下至公四始輟在梁之譏六爻無負乘之累矣無任慙懼
之至謹詣朝堂奉表以聞其所讓人具如別狀臣景湛誠
惶誠恐頓首頓首死罪謹言

讓地官尚書表

前人

臣某言伏奉制旨以臣爲地官尚書無涯之恩忽降霄極
非據之惕坐驚魂宇臣某誠惶誠恐頓首頓首死罪死罪
臣少無竒志長乏異能短步非疾於驕駟翮飛自同於燕
雀逢聖神之再造屬天地之兼容鄭璞齊竿竊混聲價秦
冠漢綬叨踐名級步駕池之清切陟鸞渚之便蕃出入五
臺周旋三閣行膺負璽之任遂服專車之寵萬機損益蔽
於庸陋之心百揆謨猷滯於膏肓之疾爰發皇揆特留宸
眷假優閑之秩雖入杏壇叅翊亮之謀尚和梅鼎徒延舟
楫之舉竟微股肱之效挈瓶之智患在於空虛瞰室之災
懼深於盈滿方陳骸骨之情遽荷雲霄之命負乘之責前
謗未除忝越之譏後恩仍及還振蜉蝣之羽欲叅龍鳳之
行赤綬妨賢物知不可素食得位臣亦胡顏况八座樞機

五曹要劇上儀七星之象旁理萬邦之教自非元凱之明
允忠肅陳韓之敦樸淳深將何以釐正版圖擾安邦國臣
之淺狹誠則貪叨朝有典章敢叨疑非望伏乞迴乾坤之
曲澤收雨露之殊私廣訪訐謨詳求棫樸更引食場之彥
俾臨均土之司則受任得才無愆振鷲之美官方有序不
失貫魚之次無任慙悚之至謹詣朝堂奉表陳請以聞臣
所讓人別狀封進臣某誠惶誠恐頓首頓首謹言

爲歐陽通讓夏官尚書表

前人

臣通言伏奉恩制以臣爲夏官尚書非常之恩忽萃庸朽
顧匪服而增覲奉如絲而自失臣通中謝臣聞思皇多士
必求於俊乂惟帝念功不寄於庸保臣識量凡淺志業空

廢之刀筆之吏能無俎豆之經術徒以積勞爲忝久宦戚
資承日月之末光霑雨露之弘貸丈二之組每慙於假竊
尺一之制更獎於庸微俛仰慙惶屏營反側夫以天臺峻
密帝猷殷曠端揆隆於八座樞衡總於萬機非夫賢才孰
能綜理况周官司馬有甲兵之職漢服珥貂兼喉舌之任
歷觀前載此選尤難安可以樗櫟散木瓶甗小噐比德陳
劔差蹤鄭履豈無慙於謬寵實有懼於妨官今聖曆惟新
王化資始天工其代帝難所急伏願特寢過恩旁求實用
塞多幸之路開至公之道則巨鱗縱壑朝有得賢之頌惟
鵜在梁臣無濫官之責無任慙懼之至謹詣朝闕奉表陳
請以聞

為楊執柔讓夏官尚書表

前人

臣執柔言伏奉恩制以臣為夏官尚書光寵載臨震悸交集臣某誠惶誠恐頓首頓首死罪死罪臣學無所成志不及遠徒以憑託霄漢接南陽之近親感會風雲附西京之外戚遂得叨恩藉幸服冕乘軒將鶩雀而同化共鸞鳳而並翼自升禁軒闈接武卿士徒參河海之象竟乏消塵之效竊位妨賢自甘屏黜循涯揣分敢希超獎而聖造不貲天波累洽仍降非常之澤更申踰等之命豈惟連芳八座上比七星固亦分職五曹專司九法昔虞登百揆命喉舌之官晉簡庶寮崇元凱之秩自時厥後此選尤難自非宿望通才高賢舊德何以別邦國之大典膺腹心之重寄臣尸忝無成實彰於既往朽劣不逮難冀於將來雖輸赤心而勉勵無術寧敢自安時謗屢玷國猷陛下綜理機衡搜擇才俊而至公之道未廣於翹薪則哲之明近謬於庸菲恐人物鮮體衣冠失望伏乞暨迴冲鑒俯絕過恩便弘尚德之舉不失能官之授則濟濟庶寮自有悅於多士區區庸鄙儻無譏於候人不任慙懼之至謹詣朝堂奉表以聞謹言

為歐陽通讓司禮卿第二表

前人

臣通言臣受恩怖懼已薦欵誠而還旨綢繆未垂矜亮俯仰跼蹐心魂震蕩臣通誠惶誠恐頓首頓首死罪死罪臣學藝雙缺心迹兩蕪顧常接言友朋而信未盈在陳力官

守而智罕挈餅徒以沐道康衢飡和休曆四方無事逢聖
后之垂衣百度已貞得庸夫之高枕幸承寬大遂安忝竊
本將榮利求達不以庶隅自脩厚祿尊官雅是所溺陳辭
抗疏豈為高誠以理苟未安義則不可何者噐有剗限物
有局量當其才則事或能濟踰其分則力所不堪是以枯
木朽株不荷棟梁之任謾聞曲學不為廊廟之資且妨賢
自久竊位非今然自承乏具寮叨榮散職雖云尸忝未甚
墮廢至於典司邦禮出納王言徒飭躬而自強終絕臚而
無力汝作霖雨既非庸妄所堪臣為股肱必致陰陽之失
虧名損實匪顧身憂蠹政傷風將辱朝鑒誠為貪冒豈敢
自安伏願回日月之明收雲霄之澤察臣由衷之請矜臣
知止之分則周廟之噐無懼於盈滿曹人之衣或免於譏
刺無任慙懼屏營之至謹詣朝堂奉表以聞臣通誠惶誠
恐頓首頓首死罪死罪

為司禮武卿讓官表

前人

臣重規言伏奉今月十五日制書加臣中大夫兼司禮卿
寵命光臨心靈墮一作震越臣重規中謝臣聞量能而官往
聖垂範無德而祿昔賢有誠陛下施物之平不私毫髮知
人之鑒獨謬庸虛一作瑣但禮秩一作秩宗之職歷選所難苟非
得賢於何求化西京置一十二列首貫金吾東漢有三十
九人多遷玉鉉妙擇時望將以洽神祗博採列侯所謂重
宗廟桓榮之經學始展今恩孫通之禮儀方膺此命在臣

無取遠謝古人將何以載玄冕之七旒驅素一作赤車之十

一作千乘臣之僕慙非欲自保其身臣之悽悽深慮上塵於

國伏乞聖恩容納皇澤霑濡深惟得人傍授能者則天官

無曠庶績其疑謹封所讓人狀如前不任慙懼屏營之至

一作皆唐類表

為崔神基讓司賓卿表

前人

臣神基伏奉恩制以臣為司賓卿芝渙曲臨獎飾踰分蓬

心迴蕩冰炭交集臣神基誠惶誠恐頓首頓首死罪死罪

臣才實凡庸志無遠大徒以命偶時來飡和飲澤累叨恩

遇浸成榮顯遂得出擁朱軒入陪紫蓋被服珪組周旋階

闈自謬司六尚承乏九賓星瑄驟移塵露無紀每懷忌滿

之誠實負曠官之責寧可以更奉殊徽重叨非據當象河

之顯列處惟月之崇班陛下刻象珮金焚山勝道維駒在

詠異人並出無容使芳蕙為菑疑康瓠成寶伏乞天哲改

擇人望則尚德之舉無累於翹薪匪服之譏不塵於列棘

無任慙悚之至謹詣朝堂未表以聞

為司刑袁卿讓官表

陳子昂

臣某言伏奉某月日勅授臣某官祗拜寵章集作光真慙 寬宇飛

越臣某中謝臣聞王者敬懼愆在典刑天下取集作平允

集作取茲廷尉苟非其人法不虛行臣本庸微名術無紀階

緣際會昭遇盛明謬得揚歷簪裾陪奉鴛鴦綢繆榮寵集

祿荏苒年時毫髮之功無聞於官守素飡之責每積於公

朝何嘗不悚迫惟憂夙夜祗畏而天恩方被寵命仍加復蒙璽誥之榮驟縮集作銀章之貴未言非據稽首知慙伏

惟神皇陛下恭已受圖任賢興化方且合符皇極代理天工臣亦何人敢妨賢路伏見某官某乙弱冠登仕早有能

名每以清白洗心不為寒溫變節誠使榮加天寵職察雲司必能利用文明哀矜庶獄彌成五教無謝於堯集作臣

載光三典允諧於周議愚臣昧暗不識大猷請乞以臣所授官讓與某官庶使官允其才名不失實聖朝有得人之

盛愚臣無冒貴一作責之譏實在宸集作慈鑒非虛謬為司農李卿讓官表 前人

臣某言伏奉今月日恩制依舊授臣中大夫守司農卿臣枯骨再生更蒙寵命魂魄兢越不知所圖臣其中謝臣實

庸愚本無名節庇身公族竊軒冕之餘假翼宗枝濫衣冠之末因循寵秩集作累歷榮班素餐之責每深效拙之勤

未補橫被逆賊徐敬真以私讐冤架延臣集作云與叔孝逸交通逆豎獄官執法寘以極刑臣腰領之誅已其灰

粉泉壤之魄分隔幽明不圖陛下天地之恩再生朽骨日月之照曲被重泉察臣非奉愆臣無罪不牽文法之議特

垂赦宥之慈螻蟻微軀復得全活自非陛下克明克聖至德至仁臣之魂魄不保今日臣免死為幸豈敢期榮陛下

加臣寵章還臣舊職集作司宗伯以睦周親愚臣胡顏敢冒朝典况臣叔孝逸推使未還集作在於愚臣更深集

胡作

文苑英華

宣

待罪安敢私職一作訟職以玷國章伏乞天恩照臣愚懇不勝感戴生榮之至

為宗楚客讓營膳太監表

李嶠

臣某言 臣叨承睿澤冒陳愚懇而九重再達三舍不迴鞠躬慙惶莫知啓處臣誠惶誠恐頓首頓首死罪死罪臣自惟寡薄何階榮遇徒以山林舊籍有感聖慈葭莩末戚特延宸獎遂得升朝列位服冕乘軒平視公卿奄同七貴坐登霄漢非因六翮自兼司喉舌副掌樞衡百姓不親徒承在寬之訊萬機都曠終替責成之舉期獲戾於妨官敢邀榮於賜秩而其露時雨不遺於溥汎尊官厚祿更集於庸虛仍令入總巨卿出毗藩牧顧非材於樛櫟空媿梓一作村

人方假織於檐帷多慙竹使夫以渚宮作鎮旁兼水陸營室致功上儀星象自非馬延年之勤苦羊叔子之恩惠何以撫茲千里按彼百工陛下義不斷恩遂忘濯龍之誠微臣寵深增懼敢冒濡鵠之譏况今天地開元聖神改物四方拭目而觀化九流褰裳而願仕而則哲之鑒未獎於翹薪至公之心近謬於凡菲將恐開親昵之多幸失衣冠之雅望小人淺見偶識自量匹夫雖微敢守難奪伏乞俯停過謬更擇良能則出門同人更釋于宗之吝側席思彥不之登壇之寶無任慙懼之至謹重詣朝堂奉表以聞謹言

為王遺恕讓殿中少監表

前人

臣遺恕言伏奉恩制以臣為殿中少監奉命荒越不知啓

處臣某中謝臣行忤神祇身積蒙咎偷延苦杲自其殞越
陛下忘其阨陋牽以縶維仰號上昊俯踏下土精誠無感
三舍不廻志節莫修九泉未即遂復肅膺紫綬權就墨綬
俛首官寺覲顏朝序自攝職天臺慙簡要之目徙秩京輦
乏仁明之政銓管無滯多謝昔賢抱鼓不鳴實愧前烈空
尸厚祿坐積時謗不謂天光下濟聖慈曲覽重延殊獎更
超顯位司六尚之嚴凝望九重之清切懷恩揆拙既懼且
慙但臣下棄情禮上虧答效孝不足稱忠無可紀永惟家
國實負君親將何以安其尸忝暴之視聽伏乞甄廻冲戀
少察懇誠不虧聖朝之鑒無重愚臣之罪則涵育有方官
序無替無任哀悚之至謹詣朝堂奉表以聞

爲第十舅讓殿中監兼仗內閑廐表 前人

臣某言伏奉恩制以臣爲殿中監兼檢校仗內諸閑廐逾

涯之恩忽降霄極非據之惕坐驚鬼宇臣某誠惶誠恐頓

首頓首死罪死罪臣本乏才藝素無操植徒因緒業獲齒

簪裾屬兩曜重光三靈再造登山捧日始會於風雲涉海

窺天遂攀於星漢位非德進榮以恩昇出捧鸞鑣駉王輿

之式道入陪鳳宸預金門之通籍苞清切之嚴衛接綢繆

之宴私丘山之恩徒謝成貸一作徒絲髮之効竟知無補

加以兼烏竊幸假鳳連棲弟兄分侍於闔闈甥舅齊踪於

樞祕光榮被於九族寵遇傾於百寮是以常誠滿盈亟慚

尸素一作叔寶之遇武子雖願輸忠正禮之對公山唯憂

一作

曠職常思高明之瞰室無懼平路之傾轡豈謂天道不貲
聖慈逾厚仍降非常之澤重紆加等之命妨賢受位多慚
於鴛鴦之群匪服叨榮實愧於蜉蝣之羽一作維竊惟先
王慎擇不進於凡庸明主虛求務延於才俊伏乞傍羅祀
梓更詢棧樸必取尤能秀傑方為御府之臣無使五技輕
姿謬處七閑之任自然六尚增價七驕無忝納于百揆終
無廢事之譏賓于四門必有得人之頌無任慙懼屏營之
至謹詣朝堂奉表陳謝以聞謹言

讓麟臺少監表

前人

臣嶠言伏奉制書以臣為麟臺少監依舊兼脩國史仍知
鳳閣舍人制閣事仰戴私恩退揆愚陋手足知舞心魂載

惕臣嶠誠惶誠恐頓首頓首死罪死罪臣一經莫守五技
不成宮墻易窺俎豆無術陽和布德枯朽同榮雷霆發音
閑蟄俱起用叨時幸遂歷清階含香握蘭惟塵於兩鳧之
署切問近對匪服於雙鸞之沼西垣載筆五字非工東觀
屬詞兩班難嗣空抱支離之疾坐招尸素之譏惟此挈瓶
有同畫餅豈足以比肩良史參領祕文猶陪二子之行尚
忝四郎之末網羅帝籍既佇英才出納王言寧容妄處陛
下搜賢擇善責實循名程材畢入於準繩適用不差於輪
桶伏願特迴鑒揆俯察愚蒙深惟帝難妙簡人才則尚德
之舉寧謬於鴛池妨賢之談不起於麟閣無任忝竊慙悚
之至謹詣朝堂奉表陳請以聞臣所讓人別狀封進臣嶠

誠惶誠恐頓首頓首死罪死罪謹言

為田歸道讓殿中監表

宋之問

臣某言伏奉今月二十二日制除臣殿中監依舊押千騎

特降鴻私一作超加等數足臨鯨壑未借聞寵之憂首抃

龜山豈踰承恩之重臣某中謝臣聞欲成大厦必寄於瓌

材將適遠途理歸於駿足未有闕公輸之巧輒事揮斤無

良樂之能謬令市骨臣藝術無取名檢莫聞叨承任遇遂

階通顯再趨一作武禁誠恪未聞三入文昌消埃莫效剖

符為郡山東無勿剪之誼握節和戎漠北有不賓之虜而

制書涵育猥錫褒揚天造曲成更延今授臣知不可清議

難容推賢讓能列聖之明範量力審分先覺之謹言當今

運屈昇平朝多俊乂伏乞精求稱職以代不能遂愚臣由

衷之詞全聖主一作至公之道授受無失臣免妨賢無任

悚懼忝竊之極謹詣朝堂奉表陳讓以聞臣所讓人別狀

封進謹言

讓成均祭酒表

李嶠元規

臣嶠言伏奉恩制以臣為成均祭酒對揚鴻休揣摩揣量

獎飾踰分周惶增惕臣誠惶誠恐頓首頓首死罪死罪臣

才不應務命實偶時非親非賢奉帷幄之侍無藝無術備

鹽梅之臣排金門而上玉堂步鸞閣而遊鸞沼抱支離之

沉痾曠密勿之繁機六翮不任但慙於腹背四支已頓空

請於骸體一作分辭榮於瑣闥仍藉寵於環林顧非席上

之珍敢辱淹中之賞况東序蟻學稱為教化之宮西膠席
門實應文章之宿論姬孔之制度談夏商之損益方期遺
典墜業有可發明豈伊曲學諛聞所堪所忝伏望俯停庸
察改命者備則授几肆筵還知入廟之禮褒衣博帶不濡
在梁之翼無任忝竊慙惶之至謹詣朝堂奉表陳讓以聞
臣所讓人具如別狀臣嶠誠惶誠恐頓首頓首死罪死罪
謹言

自內史再讓成均祭酒表

前人長安四年

臣嶠言伏奉今月二十四日制書除臣成均祭酒同鳳閣
鸞臺三品餘並如故列星皦日曲垂鑒揆膏雨油雲傍灑
渥澤承命如失負恩不勝臣嶠中謝臣本諸生階緣常調

勸趨詩禮繞學脩身長習文章罕能經國徒以淹年曠日

積勤累勞無翼而偶摩霄不材而參構厦往逢人乏濫荷

天聽類表預聞政事莫近主益尋而大馬私疾頗至虛羸

蟻蟻殘生俯蒙含育矜其不逮備以閑司臣獲從容稍似

強健復屬皇慈不已聖獎彌勤始接貂蟬更追龍鳳機務

填委昏情戰兢風勞霧氣曉迫宵煎因此疲羸慮成廢類表

瘳曠所以每求清閑輒事陳乞竊望優游散輩沐浴淳源

豈晤大類表造弗遺殊榮累及玷類表代天之列躡教胄

之行且祭酒之榮有道之選往年已知不可今者何宜重

遊伏乞特寢嚴汗改命長才非敢欲逃身責深恐有紊國

經由秉精誠惟聖矜納無任懇迫慙荷之至謹詣朝堂奉

表陳讓以聞其所讓入別狀封進云云

讓吏部侍郎表

邵說此表唐書

之已注異同英華作張說非

臣某言臣以殃孽填遭汚染知臣者或哀其逼切畏忌者

或肆其讒誣自授南宮分銓東洛于茲累月憂懼實深火

心水背若墜泉谷何則拜命之始遇山陵附近奉辭之日

屬震祭未終不得入覲天顏少申誠悽此臣所以達曙不

寢一作終朝夜懷徘徊徬徨莫知死所今情有至切不敢

不盡陳其愚衷臣家本儒素代傳名節臣祖長白山人貞

一以周朝權統革命潛遁終身臣父殿中侍御史瓊之偶

玄宗撥亂興邦楊歷數四累登甲乙之第再踐準繩之任

微臣積憂歿禍所終十六而孤長於母手誓心墳史不出

戶庭迨至天寶中謬忝詞場擢第適會老母棄背服喪河

洛及祿山之至禮制當終臣愚不脫縗麻更踰再歲而賊

中言議往往紛然臣懼兇黨不容寓遊洛魏名值慶緒奔遁

保於相唐書城大搜詞人脇為已用以克威責臣不至以

驛騎逼臣遂行與潘炎始陷兇逆遽聞思明款附燕趙服

從欲取黃沙嶺路因此得歸闕下屬思明數萬之衆南鎮

趙州送臣於范陽抗疏以聞奏肅宗特降中旨授臣左金

吾衛騎曹將軍宣恩命云聞卿遠來可且於思明處憇息

留滯未幾忽遇烏承恩事彰由是井陘路絕再陷兇盜而

思明朝義負恩之際臣亦累達款誠伏蒙肅宗皇帝賜臣

勅書云卿志士苦心王臣勵節藝成俎豆跡陷豺豕項年
鄰中策馬歸命出於萬死臣節尤彰忠誠若茲不負於國
比朝義將敗謀守河陽臣知廻紇利於野戰沮破其計及
朝義奔走臣得西歸伏死於闕庭獻狀於先聖中使特宣
進旨云卿之狀跡多肅宗時事三數日內即授卿官當蒙
除臣延王府功曹叅軍宣進旨云卿所進狀見今在院及
翰林檢勘至其年六月十九日與王佑同時召見先聖謂
臣及王佑曰卿所進狀朕一一已令檢卿之誠節可謂著
明尋除王佑侍御史除臣殿中侍御史仍遣宣進止中書
門下令制詞中盡言其事詞云王佑臣說有文學政事之
資飾溫良恭儉之行嘗應推擇薦薦屬流離失身淹時無路

自免然而深知逆順潛竭教誠當慶緒之難已彰臣節及
朝義之敗更沮克謀言念忠懇何傷點汚思申雅噐且表
至公宜擢憲司式弘國體則先聖疇昔之意盡已知之自
是再忝栢臺四登郎署宰理京劇倅貳祕書一十八年備
更任使今復以非次待之不疑斯發自天斷非常情所及
且棄瑕錄用古昔倣難稽之載籍所傳無幾則齊桓諸侯
之主能收管仲太宗非常之聖特任魏徵咸為得人終成
大業如臣行藝寡薄知識凡淺有殊管魏之事曾無管魏
之才必恐受謗於衣冠不容於輩列速愚臣之禍傷聖主
之明其理必然固無疑也古語曰女無好醜入宮見妬士
無賢不肖入朝見嫉臣雖掌銓日密切慮見嫉已深伏願

哀臣血誠免臣此職四門已穆百度惟貞在于微臣死生感戴無任懇切之至

第二表

前人

臣某言臣以玷缺懼辱高位一昨瀝肝上請泣血祈天冀達愚衷俯停新命不謂聖慈褒飾宸鑒未迴伏讀墨詔載深兢惕臣某中謝臣嘗覽載籍備知古今用人之道其流不一遇艱難之際或有棄瑕偶文明之時固當慎擇如臣頃陷克逆大節已虧雖昔曾獻款而罪難自贖今中朝無事八表會同有符帝舜之理日漸時雍之化已明四目特序九流豈臣汚染之餘合受清通之寄縱使陛下憐臣宿志察臣脇從無邪取捨群才易招毀黷亦安可家至戶說

令盡知愚臣疇昔之血誠哉何則今歲吏曹至難十倍常

歲缺員至少從調者多益知唐書功優其數尤廣又準選

唐書格以判留人十輩之中放其六七彼輩衣糧自遠旅

食經時固不甘心必大騰口脫有誣謗上疑聖心事等投

料將何取雪此臣之懼敢不盡言况朝廷冠冕如雲咸稱

俊傑或以文行底祿或以政術知名出入中外累更任使

而臣謬司左職實用多慙伏見戶部侍郎唐書作郎中蕭定司

農卿庾準才優識遠望重一時伏望罷臣別受定等庶光

朝選克辯人倫則徐毛裴王復存聖代無任懇願迫切之

至

邵說二表詞意真摯文氣以茂

校正七十二字

九月二十七日書潛

文苑英華卷第五百七十七

文苑英華卷第五百七十八

表二十六

潘王讓官

為杞公讓宗師表一首

為定王讓官封表一首

為定王讓兼知司禮寺事表一首

為臨川王讓千牛將軍表一首

為安平王讓揚州都督府長史表一首

為建安王讓羽林大將軍兼司賓卿表一首

為岐王讓太常卿表一首

為安國相王讓東宮第三表一首

代宣王誦讓皇太子表一首

雜讓

爲梁王妃讓封表一首

益州父老請攝司馬鄧公爲真表一首

爲僧普潤辭公封表一首

爲道士馮道力讓官封表一首

爲郭子儀讓華州請立生祠堂及碑表四首

爲杜司徒讓淮南立去思碑表一首

代公主讓起新宅表一首

代公主辭家人畜產官給料表一首

爲裴駙馬讓官與父表一首

藩王讓官

爲杞公讓宗師表

庾信

其言伏見詔書以臣爲使持節驃騎大將軍開府儀同

三司宗師中大夫伏奉綸言心竄震聳臣聞堯分四岳是

以望秩山川舜命九官是以光華日月必須易一作儀刑以

德明試以功乃可協和萬邦咸熙庶績臣幼無學植長闕

才成鴻都之門不能定其章句鷄鹿之塞無以名其碑碣

憑天漢之汎水附弱木之分枝東岳則朝宿有名南宮則

門闌有籍在臣庸劣久知滿盈武陽以功臣之重特拜宗

師東平以母弟之尊超登上將臣有何德能兼此榮臣早

傾廷蔭曾未扶墻母氏慈訓哀矜勞苦甫及成人復垂指

棄几筵如在忍離鞠養之恩終天無報叩地難任欲草上

丘陵終身坐域霜露申履時之感鷺雀展廻翔之心不悟

天澤沛然謬垂提掖當今王燭調和既非金革之世璿璣
齊政豈忘松楸之餘况復一枝蹉曲終危九層之臺一股
岑蹄必傷千里之駕皇帝欽明文思光宅區宇禮格四方
無容奪臣此志孝治天下自當哀臣此情大宗爲師更求
同姓之國元戎參乘別選能賢之臣伏願覽清蒲之奏曲
乞微誠詔鳳凰之池特收嚴召則天慈無濫私願獲從臣
之容身便當有地不任荒悚戰懼之誠謹詣朝堂奉表以
聞

爲定王讓官封表

李嶠

臣某言臣頻布款誠庶蒙矜遂而由衷之請空竭於肝膽
臨下之鑒未察於庸愚集木非兢臨泉罔懼臣某誠惶誠

恐頓首頓首死罪死罪臣歷窺前志詳考舊聞莫不以有
道興邦家不才替社稷漢武帝網羅群士唯佇俊賢周成
王訓迪庶官不求庸保臣行能近淺識性凡陋難化之質
非八音所陶不移之愚豈六藝能飾徃緣戚屬叨奉恩私
遂得地列齊封門開魯館承敦叙於九族被徽章於五等
今光華始且品物維新三代典章理遵於舊式二京恩澤
宜革於權制方就散秩之革幸沾朝請之流寧可以冒踐
槐廷更增茅土况班彛錫瑞執揆提衡法垂象於三台視
隆班於四瀆實司邦教是曰藩維豈臣餘喘殘生所合尸
忝非臣荒情菲質所宜叨據陛下懸旌訪逸刻象求才朝
有白駒之賢野無黃犢之彥方使思皇多士必明於至公

西鈔本在此白眉
空五格

豈令棧樸能官近廢於親昵臣自審量實所不堪部室之
災豈唯於身咎折鼎之責方貽於國患伏冀回光歛靄寢
綏收綸察臣不移之心矜臣非飾之請特停過誤改命才
良則白馬冊書不慙於異姓和羨作礪不逮於九疇無任
慙懼屏營之至謹重詣朝堂奉表陳請以聞

為定王讓兼知司禮寺事表 前人

臣攸暨言伏奉恩制一作命臣兼知司禮寺事日本無操

履素乏藝能憑藉葭莩遂叨冕笏畫龍刻鵠一作非有天

才簪犀紐龜但因地勢鑿空虛微眇之質驗庸闕不逮之

姿素簡神衷豈勞銓叙幸得攀光日月藉寵侯王祿比萬

鍾爵窮五等備梁園之車服司周室之典經朝夕起奉出

入倍奉在生多幸於臣已足豈可重叨非據更竊隆班上

虧國章下速身謗昔漢疇稷嗣將冠九卿虞昇伯夷實掌

三禮奉蒸嘗祈祀之典有匏土笙鏞之節匪徒移風易俗

兼且尊事神祇一作尊豈於九庸所可參議况此司禮分

職見有二卿並在官聯事且無缺更參鴛賽之足徒亂鴛

鴻之序伏乞聖慈廻鑒天造曲成矜其慊切之心念其尸

曠之責怡然俯察滯乎垂許則至公之道實弘於聖朝多

幸之災不累於九識無任慙懼屏營之至謹詣朝堂奉表

以聞

為臨川王讓千牛將軍表 前人

臣嗣宗言臣學藝無稱才行兼闕幸得一作延慈蔭遂歷通

班花萼同榮依上林而發彩鶴鳴交賀仰大厦而相歡恩
此江山效微塵露叨榮席寵荷愧承羞臣嗣宗謝臣嗣宗
夙奉皇明已忝銜珠之秩兄懿宗近承天澤又當執金之
位弟兄齊列伯仲分曹咸典禁戎並參宸衛匪唯官崇一作
尊祿厚思滿盈而增憂固亦秉勢操權顧章程而自惕况
臣素抱愚拙更纏疴恙牽羸引備竊位妨賢內懷尸素之
慙外負朝廷之謗豈可以多塵聖化久累能官伏乞收迹
卅墀歸骸素里庇充雲之光彩浴舜海之波瀾柳蔚桃濃
聽南隣之鍾磬茅舒桂滿陪北闕之簪纓食厚渥而忘饑
樂太平而愈疾則涵養之德瞻大造而斯弘覲冒之譏在
微臣而知免輒陳固陋輕贖威嚴授紙彈毫驚魂悚覲臣
嗣宗誠惶誠恐頓首頓首死罪死罪謹言

此篇五百八十一卷重出今已削去注異同為一作

為安平王讓揚州都督府長史表

臣某言伏奉恩制以臣為揚州大都督府長史光寵載臨
震悸交集臣某誠惶誠恐頓首頓首死罪死罪臣蒙蔽有
素非陶染所移磨礪無成豈鑽仰能及斯並久塵聖鑒不
逮更伸愚款陛下降猶子之愛忘具臣之譏乘以軒車佩
以璽綬射榮席寵瞻歲月而徒深結課疇庸在涓埃而莫
取何曾不外慙赤綬內負素餐是以前布腹心辭禁衛之
重後竭誠懇歸殿省之榮豈欲娛志養高實願遺身體國
不為疑作聖情重疊恩旨綢繆更錫隆章重紆顯命副燕

雀之毛羽求其奮飛飾駑駘之銜轡徵其戚沒雖願盡智力而終難勉強陛下宵衣待旦歿席思賢必欲無曠庶官克諧共理臣智慙一割政之四科豈足以恭副虛求弘宣美績况三楚舊壤一都之會求言作鎮匪易其人伏願遵尚德之彛躅杜推恩之妄舉以公滅私簡才授職則武皇得士不慙於曩歲文王能官復在於茲日無任慙悚之至謹詣朝堂奉表以聞臣所讓人具如別狀

為建安王讓羽林大將軍兼司賓卿表

張說

臣某言伏奉

集作承

月日制書除臣右羽林衛大將軍兼檢

校司賓卿朝榮對及恩露洪垂整仰驚抃環揆失圖

集作慙失

臣某

中

謝臣席慶皇支辱司天衛素官成責久盈人口頃為

山戎自擅王師震加謬當推轂之禮竟空汗馬之績實賴睿謨幽贊靈兵潛討滅犬羊於遼海卷旌麾於燕薊臣得歸功北闕待罪東藩沐沫休既生死榮幸安敢賣要塞而告勞貪天功以為已又况羽林清禁上則星辰主客命鄉下法河海蓋文武具美方議望僉歸豈臣弊劣所堪尸忝伏乞特廻睠鑿更擇能賢俾朝興薪樵之歌臣免伐檀之刺非敢飾讓實披誠請無任悚戴之至謹詣朝堂奉表陳讓以聞

為岐王讓太常卿表

蘇頲

臣某言伏奉制書以臣為太常卿兼檢校左羽林將軍虔奉恩命罔寘心顏臣某

中

謝臣託蔭宸極分暉景緯從學多

滯不足對於二雍為文益踈不足齊於七步日者自天有
命裂地而封盛亨岐之井邑比從梁之駮駕旋省慙惶益
增忝越不悟前榮始拜後寵仍加且彞倫攸叙百官所以
象物方策不墜二柄所以濟時苟非其才將汨于政况上
卿之任中尉之重自非膠庠告老桓榮列於東面藩邸求
舊宋昌惣於北軍臣何妄庸兼此叨竊類表伏惟皇帝陛
下夙祗圖錄錄光宅區寓九厥在位喜聖朝之得人獨此曠
官塵霽鑒之知子將何以典司禮樂綜理韜鈴伏乞太陽
廻光慶雲灑澤俯察蒙鄙旁求賢俊則冀受授無失謀謨
有倫無任下情愧悚之至謹詣朝堂奉表陳乞以聞

為安國相王讓東宮第二表

崔沔

臣某言前累表自陳披瀝肝膽懇誠所守期在不移而天
聽邈然未垂矜納屏營跼蹐罔措類表心顏臣竊觀帝王

支庶進以寵私雖假恩靈必詒禍咎親如梁孝尚非正議
所容才同季札猶為長亂之本况臣朽懦將何忝竊且承
先建極當可推恩作範惟親宜崇以正伏願陛下雄畧潛
明皇威誕發燠逐狐鼠梟剪鯨鯢上慰祖宗之心下保元
元之命大位既定丕業重光再造四海之基方流萬代之
福至於守噐允屬元良非聖賢無以厭天下之心非典禮
無以為後嗣之法臣地非冢嫡才實昏庸一旦干冒大倫
亂越皇統近為身患遠成國耻將何以措身闕庭將何以
歸骨山陵是用專固不廻繼之以死特希慈造俯垂聖諒

諒察一作謝臣某跡非飭讓言實由衷區區之心敢不披罄素所蓄積塵黷上聞嗟臣不天一作才夙遭險釁哀惇孤藐

百罹是攻嗣聖之後天步艱難逼迫崎嶇措身無地既冒儲貳又塵尊極正名罰罪合當萬死忝曰臣子豈所晏安

殞首滅身無以塞責臣某謝中臣當此際之心豈貪生而憂死誠以身居類表不容之地命盡危疑之辰上適可以增

國羞下未足以明臣節是用冒罪假息忍死苟全尚祈宗廟之靈庶覩返正之運使臣得退保先朝所命歸死藩邸

之下則雖灰滅良無遺恨惓惓所守神明知之既而天啓聖期興運伊始明兩出震九二在田臣克遂誠祈獲返舊

國私願雖果而皇猷未忝每以釁萌城社將傾宗稷常慮奄忽禍出非常夙夜憂惶罔知攸濟幸屬陛下光啓休烈

克復中興長信高居供養有地明堂正位忻戴知安抃舞謳歌稱慶未已不意陛下復將置之非據迫以奪宗前憂

未忘後懼仍及臣之膚剝胡寧斯甚今天地交泰朝野歡娛獨在微臣殷憂昭代念及同氣願垂憐察

代宣王誦讓皇太子表

臣某言臣自奉明命累表陳乞懇誠無感聖慈未廻進退兢惶如履冰谷臣誦誠惶誠恐頓首頓首臣聞少陽之重

嗣守宗祧故傳曰年均擇賢義均以下為國之本繼奉休明臣質惟愚蒙未經師類表傳問安侍膳夙乖奉養之規

秋齋夏弦昧於類表齒胄之訓無以上承七鬯展敬案

效苑類集 卷之七
盛內省多慙類表作內多慙報豈敢飾讓未蒙諒察惶怖失圖臣
所以累獻封章備陳丹懇伏望俯迴天眷曲遂愚衷臣無
任懇欵之至

雜讓

爲梁王武三思妃讓封表

宋之問

妾言妾聞天與才多地居外戚理乖謙益一作不患無位患在寵
盈妾亡夫三思頗讀聖賢之書夙知止足之分在先朝錫
漢藩之社位亞上台陛下流涓陽之思室嬪愛主常恐官
高祿厚福極禍來閨門之談顛覆存戒但以願施塵露之
効尚鬱山林之遊詎謂吳楚指有寵爲名父子以無辜同
枉良以崇高取忌退讓未形事雖噬臍言猶在耳妾夫

黃壤子天青春唯知哀訴神明號泣天地妾之殘命稱曰
未忘更何心顏享茲豐厚况三思久謀謙退人所未知實
恐士庶遊談是非相半既未能辯明高義豈復忍貪吝餘
資雖則伯宗已亡獻誠者聞乎奸盜尚冀黔婁宿意見知
者因乎寡妻今墳土未乾總帷猶設妾所以廢寢忘食瀝
欵披誠未久前祈更陳後請伏願俯矜賤妾遠念幽魂收
彼白茅之封表其赤松之節光陛下有任賢之德明三思
無冒寵之譏妾之區區意盡於此無任感切之至謹遣某
詣朝堂上表以聞再黷威嚴伏深戰越妾死罪謹言

益州父老請攝司馬鄧公爲真表

宋之問

此篇合在六百九卷雜上請門今已移入姑存其目

為僧普潤辭公封表

張說

僧普潤言伏奉甲寅制書以普潤加榮沐秩授邑封公聖
 恩無涯將變枯朽佛法有教誠願住持普潤自剝落壞衣
 五十餘載心不見是口不言俗因誠證業憑禪悟理幸逢
 皇祚將集作特啓大運有歸皇太子逼畏兇讐求懷與復憂
 虞之際一作始蒙顧問貧道起廣救之悲決必成之
 策奉符命之旨贊無畏之心今得衆生又安群魔消伏在
 於法侶所願為多視身本無何功受祿天位有德陛下享
 之天討有罪太子行之豈貪天之功以為己力賣佛之法
 而求身利必若冒榮背律返俗違真亦恐乖陛下崇誠之
 清集作崇失如來付囑之義凡所稱述諸佛證明伏願聖

慈亦垂開領乞停恩授以幸法門無任護戒傳道之至願
 謹詣朝堂奉疏陳情一作請以聞

為道士馮道力讓官封表

李嶠

臣道力言叨緣幸會謬奉渥恩隨簪笏之九班列山河之
 三土王言如縛敢不欽承人好惟星願披誠款道力本厭
 翬滓夙耽閑曠潛形草澤不將臯鶴並聞浪性雲霞惟慕
 共一作海鷗相狎十步徒歡於飲啄一官匪尚於榮華幸屬
 聖期謬迴天獎承軒冕之賜列是樊籠踐繩墨之途更成
 維繫尺鷁但慙於鍾鼓鷄鷓空費於牲牢故欲瀝膽輸肝
 誠一作披誠進款倘蒙却收匪服改命如絲不一作以
 尸曠之交免其負乘之責則物情輿論誰不謂宜如將衆

列疑作難違微功必叙仍優附鳳之賞遂假濡鵠之衣則望賜以官名還其道服仲虞懷八座之祿未入朝廷之推列五等之封尚居山藪所冀資此俸秩末脩齊供庶王清垂貺增寶祚於三光一作元金錄開祥固珍圖於萬劫上隆紫極之統下遂清溪之遊在於微生實為幸甚道力昨已陳請未蒙處分重此干祈伏增戰越道力誠惶誠恐頓首頓首罪死罪死謹言

為郭子儀讓華州及奉天縣請立生祠堂及碑表

邵說

臣子儀言臣得同華節度使刺華州刺史周智光牒稱得耆壽薛遠等狀將以華州是臣所生之地奏請與臣立紀功

頌德碑天慈曲臨已蒙聽許又得奉天縣令程暹狀得百姓仇廷珍及僧山海等狀亦請與臣立碑及生祠者伏以皇家受命祚運延昌雖妖孽暫興而天地終大收兩京之際陛下親搃元戎臣忝職驅馳躬執鞭弭指蹤逐寇皆聖主之雄圖靜難夷皂且微臣而何力四句類表作指蹤逐寇幸克有成皆聖主之雄圖顧微臣而何力又奉天之役大挫渠魁亦仗天威以集戎事必欲紀之金石播美無疆理合昭宣聖功垂於不朽豈臣薄劣輒敢當仁寤寐兢惶莫知死所瘡痍之後凋瘵未平更屬春時實妨農業乞廻成命一切勒停庶老臣無貪天之責疲人有息肩之望懇款迫切之至謹奉表陳讓以聞

第二表

前人

臣子儀言伏以華州及奉天耆壽等請與臣立碑及生祠
昨已奉表請停未蒙允納夙夜省究一作度不勝戰悸臣某
謝中臣以孱庸謬承驅策雖東征西伐莫顧微軀而保大定
功皆憑睿筭今欲刊諸貞石末播微猷實為貪天之功難
勝踏地之愧况今兵革未息瘡痍未平忽此勞煩必有妨
奪顧臣薄劣將何自安臣雖至愚深知不可再陳旒袞伏
用兢惶所望聖慈遂臣誠請無任懇迫之至

第三表

前人

臣子儀言臣聞人臣事君稟命而已若君有非常之畧則
臣成佐命之勳象彼四時運行實因於上帝配諸百谷廣
大在宗於滄溟頃陛下監國撫軍則再安宗社及飛龍感
祚又克清夷狄所有成績首大匪雄圖臣雖在行何力之有
今奉天華州耆壽請為臣建碑立祠且陛下聖功已書簡
策微臣薄效何足褒稱耆艾之徒昧於事體謬請刊紀殊
乖名實昨已再表懇辭冀達誠慊陛下未察令斷來章奉
詔兢惶若墜泉谷况今畿內百姓日益凋殘糧無半菽室
如懸磬以不急之務擾至疲之人竊顧心顏益增醜懼又
比來耆壽陳狀是官吏指麾恐以臣備位台司妄為希附
縱有勤請或非矯飾所祈聖造特遂愚衷區區之誠敢以
死請無任懇迫之至

第四表

前人

臣子儀言伏以奉天華州耆壽請為臣立碑及生祠臣自

揣功業至薄不足以當刊紀百姓至弊不可以與力役歷
獻愚懇至于再三言不動天未蒙允納夙夜兢懼不遑寧
止臣非有馬援南征之績竇憲北伐之功安敢飾詞以陳
謙讓但以兵革不息十年于茲天下之人未獲其所臣幸
備相位尚負憂責頃歲之克復京都去冬之小却夷醜所
有微効皆稟聖謀然未能使其干戈盡銷郊甸罷警北有
亡命之虜西有無厭之戎公卿大夫未免旰食臣幸而獲
宥其榮已多豈可竊功僥名以圖不朽其若千古何昔漢
為霍去病理第辭以匈奴未滅無以家為况今殘孽尚存
而敢播美金石臣雖才不逮名竊慕古人之志所望再效
驚蹇遠斥兇渠三虜之首必懸四海之波自定從茲偃伯
可以息人然後紀功亦未為晚臣以誠願實在於斯伏乞
聖恩特遂勤請無任惶怖懇迫之至

為杜司徒讓淮南立去思碑表 劉禹錫

臣某言伏見淮南節度使王鐸一作訥所奏當道將吏僧

道耆老集作壽等請為臣立去思碑伏奉聖旨允其所奏內

惟菲薄聲績無聞祇荷恩私慙懼交至臣某誠惶誠恐頓

首頓首臣伏蒙先朝過獎累典方隅頃鎮江都十有四載

數周星紀水旱備經境接淮濱兵戈時起至於邑里粗免

流離非臣所能悉稟聖化在唐堯可封之日奚假吏才集作

師當漢宣責實之時皆承認旨王鐸與臣交代輒有上聞

况以去思為名慙無可紀之績伏以建碑示後集作制甲令

垂文苟非至公則翻集作貽請臣伏覽故事宋璟自廣州
都督入拜集作尚書南海之人請刊樂石璟自懸集作讓
至於拜三雖勤勒其文竟從降制在於國史集作舉集作
為美談璟非苟榮人益見德臣才誠不逮心實慕之伏乞
聖慈賜寢前命情非飭讓義在徇公無任懇款之至謹奉
表陳讓以聞

代公主讓起新宅表

六百五卷重
出今已削去

李嶠

臣妾言伏承聖慈以妾居處褊狹欲開拓宅北更起新第
恭聞睿旨不勝慙惕陛下骨肉之愛天至而溟深敦叙之
風日隆而月厚乃復推心連蔓結念同胞方欲廣沁水之
庭除增常山之版築雖殊恩曲獎惠澤實沒於肌膚而妨
公害私謗訕恐盈於道路况臣妾承靈天妹藉寵王姬輿
服亞於椒宮土田方於茅杜甲第之當衢何術並列三區
別廬之帶木連山料盈萬畝深埒則可乘騏驎高樓則唯
待鳳凰常憂瞰室之易災實懼滿堂之難守寧可更求輪
奐別構崇深擾閭里之毗黎傾國家之府藏且鬼神所福
常矜於缺隅賢聖垂箴必誠於豐屋孫叔辭良沃之土晏
嬰求湫隘之居妾雖愚蒙頗聞訓典實願歸一作師老氏
以止足自防仰慕周公將逸豫為戒但希安分於容膝非
敢攀榮於潤身且坊為要衝地當貴里畝賃二三十貫居
人四五百家奪其近市之門閭生其破家之怨讟雖下人
之不語豈愚妾之能安又妾之平生每存捨施屈身濟物

心所願爲益已害人情豈能處今麥苗雖盛谷價未豐家
少糧儲人多菜色但可勸耕耘之業未宜興土木之功伏
乞俯察愚誠傍詢衆望體東作之尤要知西第之非急收
茲霈澤惠被黎蒸則天下蒼生孰不欣幸無任慙歎屏營
之至謹遣某官詣朝堂奉表陳請以聞謹言

爲公主辭家人畜產官給料表 前人

臣妾等言妾聞賢相防微格一作盈門之車騎通人酌損

忌滿堂之金玉尚子平之讀易富不如貧孔宣尼之立言
奢也寧儉末言故實此爲明鑒妾等並承靈坤載荷蔭中
樞或天妹申慈忝扶桑之瑞萼或王姬藉寵竊穠李之奇
秀開沁水之園苑賜常山之湯沐榜懸金字分衢離雲之

宮路夾銀河並列星辰之位通秘籍於龍廷之內在仙輿
於鳳樓之下殊私曲獎以日而繫年縟禮崇徽夸今而邁
昔恭復別隆朝吉猥存家務輿臺供隸之衣食棧廩秦牢
之秣養並迴中府俱出大農聚終歲之儲但憑絲紱供闔
門之費不煩機杼仰祗鴻澤退省微躬生以地高徒竊雲
霄之幸寵非德進曾微織芥之勞何義而虛受渥恩何功
而謬延賞賜是用每積慙悚常憂顛沛敢忘周公逸豫之
誠深念老氏止足之言乞留聖慈俯鑒愚懇使榮無過悞
滿不至溢國邑田租之常料既已豐殷馬牛陪隸之雜供
並希停戒庶得無耗府實稍清朝諉長轂遠馭不逢於致
寇之人高門洞開無怯於害盈之鬼不任兢悚愧懼之至

謹遣某官詣朝堂奉表陳請以聞

為裴駙馬讓官與父表

臣某言臣聞善則歸君臣之報主功推於父子所榮親臣

本愚賤幸承門閥擢自弱齡得尚公主耀一作宗榮堂一作向

已七十年成名效能曾未之有得是以昧死旒宸陳情控

告臣某謝中臣聞情隱而言不吐者事君之罪人心孝而迹

未行者事親之逆子臣擢自泥滓起登上第受國之寵負

親之恩情所隱而言未吐者敢奏於今日臣門閥少薄冒

因遺緒父叔昆弟忝列朝班唯臣一身特拜都尉然駙馬

之位因天所封寺卿之階何功受賞富過宗祖榮過棠棣

無德而祿將何以堪臣父正議大夫前太子少詹事臣居

士夙預周行早規陳力頃以天波溥洽許順懸車然朝命

先霑已三十載累年効職復十數遷金紫末階爰從致仕

桑榆尚早寔願榮班臣亦何人獨多勲賞臣聞父子罪不

相及而官獨踰於父雖爵因夫假不限高卑而官入私門

自多伊愧每用責躬疑作朝端臣子之情祗所

不忍伏乞以臣在身三品并見在進讓臣父本品降賜於

臣貴得秩祿相次承寵朝聞夕死實所甘心伏願陛下容

臣恭讓允臣愚懇非疑作聖朝高孝理之風抑亦微臣盡為

子之道

校四十一字

九月二十八日

文苑英華卷第五百七十八

文苑英華卷第五百七十九

表二十七

讓起復

為建昌王辭奪禮表一首

讓起復表五首

讓揚州長史起復表三首

讓起復除黃門侍郎表三首讓奪禮表三首

為李給事讓起復尚書左丞兼御史大夫等表六首

為李懷光讓起復表二首

為商州吳仲孺中丞讓起復表一首

為建昌王辭奪禮表

李嶠

臣攸寧言伏奉恩制起臣為春官尚書曲降芝泥俯收草
王承命哀震扣心號絕臣攸寧誠惶誠恐頓首頓首死罪

死罪誠孝莫紀咎殃所鍾過隙永辭倚問奚望不自灰滅
偷視光陰尚何心靈得齒人類陛下愛結敦叙慈深宴逸
免之苦塊錫以衣簪葭苴之恩飲澤誠厚荼蓼之戚胡顏
以寬况天地同節宗伯是經尊卑共儀達喪有典使臣外
掌邦禮內虧庭訓何以奉宣名教克弭訕謗臣之愚蒙夙
夜揆鑒平居疇日廢職曠官况識亂匪莪情荒植植寧可
儀刑八座損益萬機虛玷玄猷上穢清鑒伏冀哀其窮懇
惠以至德用伸犬馬之願獲遂烏鳥之情則地義所弘彌
文於永錫人倫所詠實光於孝理無任荒迫之至謹奉表
陳請以聞臣攸寧誠惶誠恐頓首頓首

此篇原在五百八十一卷中今移此

讓起復表

張九齡

草土臣九齡言伏奉去年十二月十四日制書復臣中書
侍郎同平章事者外沮公望內奪私情餘生力微哀怖殞
絕臣某誠哀誠懼死罪死罪伏以宰臣集作相所職贊理庶
事陶冶大和以遂萬物苟非所任有受其殃臣實單人本
無大用况在艱疚觸緒哀迷矧以素所不堪加之荒塞而
軍國事重翼亮誠難臣獨何人謬居此地退省所有負敗
將及雖願感恩扶力匍匐祗命其如塵玷聖鑒汚辱台衡
於國非急於理虛廢臣比年限役多闕晨昏疾疹之際遽
乖救藥凶諱之日遠隔追攀而星霜未周冠纓載迫是以
庭闈昔絕几筵今阻凡日名教實所深哀伏惟睿情有以

奉錫况質言非讓悲歎不文祈天之心惟聖所體實冀哀
素有次喪紀獲終俯察荒迷乞遂情禮臣無任感絕哀迫
之至謹詣朝堂奉表陳乞以聞臣誠哀誠懼頓首頓首死
罪死罪謹言

開元二十二年
正月二十七日

同前

王鉷

草土臣鉷言伏奉制書復臣御史中丞餘竝如故恭承睿
獎五情震越臣中謝臣弱喪所生不能自立慈親撫育得以
成人所恨終身號慕無及今纔踰卒哭寧冀生全聖澤曲
流天光特照記臣於苦齒之下起臣於風憲之前知臣轉
深萬死難謝誓將糜粉上答殊私豈固禮經輒稽嚴命但
臣自丁艱疚日漸尪羸糲料形體未堪驅策徒招謗議無
震紀綱伏乞聖恩捨憐俯矜醜冒容臣歲月抱釁私門稍
能支持不敢辭訴無任感懼荒迫之至謹詣朝堂路左奉
表陳乞以聞

第二表

前人

草土臣鉷言臣迫以私情銜血上訴曲垂聖禮敦喻彌深
恩重難移心孤易殞哀榮之極肝腦何酬中謝臣伏在糞土
之中苟偷朝夕之命殊私荐及特蒙收獎授以風憲委以
澄清臣雖至愚豈不知天慈所屬使臣即蹈湯火若登雲
霄安敢固辭輒拘常限但緣荒瘵忽忝衣冠自審殘生必
招官謗謹冒死重請不勝戰越無任哀懇荷戴之至謹詣
朝堂路左奉表陳乞以聞

同前

蘇頌

草土臣某言伏奉恩制授臣銀青光祿大夫起復行尚書
 工部侍郎勳封如故制書俯臨荒怖殞絕臣某中私門不
 造殃罰所鍾遂延先臣永辭聖代陛下飾終念舊事光前
 典臣孝誠微薄不自滅身幸忝大臣之胤假存主祀追惟
 慈父之恩不可復得痛殷創鉅豈冀生全臣心欲言言不
 忍喻陛下孝理天下俊又在官恤臣遺孤加臣寵命非臣
 舉族少能謝天誠以吉凶典禮朝廷大政喪親執喪人倫
 為極使臣廢禮於心極冒榮於喪紀虧紊過甚將焉用之
 况其不任孰可陳力抱嬰窮懇理殊他人匪直悲深名教
 實亦感增存沒煢煢昧死罔知所裁伏乞聖恩垂寢嚴命
 無任荒迫之至謹詣朝堂路左奉表陳乞以聞

同前

厚秋履温

草土臣履温言臣行迕神明禍歸先父日月未幾直麻未
 變伏奉恩勅授臣駕部員外郎充朔方軍判官詔書臨門
 匍匐廬次捧跪驚骸號纏痛絕氣殘毀容臣今殞越伏以
 滅性非教逃天莫由敢祈孝治唐少察哀訴中臣門緒單
 賤本無兄弟惟臣一人鞠育鍾愛幼在隴畝輟臣讀書家
 貧本無僕役柴水為資一作臣在師氏父常有勞束脩資
 費母亦勤績訓誨之漸明時忝官唯資以榮過此無報豈
 謂祿養纔及殃蒙已深所侍老母風氣仍積每臣崩摧撫
 對增病臣稍用割哀就一作禮間哭承顏若乃一作暫離

母亦難保且祠祀無主几筵何依臣之憂酷特為尤甚逮
及秋季始至小祥苦廬尚新墳土猶濕聖情何忍令其輟
情顧惟形骸實污冠冕臣又近染風疾似因哀瘵語事便
忘居常輒驚以此從戎必不堪命伏乞憫臣艱疾察臣孤
獨卒臣喪服矜臣母老則生人之本盡於哀敬國家淳風
載激流俗無任荒懇之至

讓揚州長史起復表

李朝隱

草土臣某言奉親無狀禍降私門窮衰殘喘不自殞滅朝
夕苦塊纒經半年伏奉四月十八日勅書俯奪情制授臣
揚州長史荒情震怖悼心失圖臣某中臣險釁不滅才術
無紀往因叨遇頻升榮秩猥忝青紫罕裨塵露今乃寄以

維揚位超列岳非常睿渥忽心露朽瘵尚敢冒哀陳款實以
私志未終且臣亡母在猶蒙曲澤憫其羸老抱疾不任隨
臣之官有命自天數今歸覲受恩未幾此禍俄鍾上既不
盡天慈下則未由就養今復號哭無位奠酌莫親有倍哀
情重增摧苦况臣之在疚尚未小祥遽此復官殆無其例
臣今扶力自曳哀惶詣闕伏乞賜停權奪許以終哀則微
命偷生終期報國倚廬過隙少答允懷無任窮懇之至

第二表

前人

草土臣某言臣在艱疚遽蒙榮獎曳體陳欵冀遂荒誠天
貺綢繆未蒙哀一作允許進退狼狽悲惶殞絕臣某中今臣
窮噎豈暇多喻所不殫一作憚言敢以陳冒臣自少不幸先

臣早世唐諱亡母養訓謹能成立昔處微秩其旨不克及忝
大官臣親已老從官或遠不任扶輿十數年來每適左右
以臣長子常恨不見積此憂憶遂成沉痾是臣不孝莫慰
母心追惟及此五載藏隨裂且母尚憶臣以成病臣豈可變
縗以就榮新殺未升便起如故則臣何力以負斯咎何心
以忍此痛何庸以承孝理何面以對吏人又臣先患風緩
頃加心疾觸事迷錯鮮能行步臣平日無學猶不如人今
庭疾轉侵朝不報夕仍今處事恐辱所委徒紊藩條必不
勝任以是冒昧不測仰天重請望輟前恩以全餘息忽不
聽臣血淚俱盡死亡無日無任荒迫之至

第三表

前人

草土臣某言昨拜犯宸嚴亟陳哀懇荒辭謬理不足感天
恩貺如初又今斷表臣知萬死豈合觸冒誓畢窮命吏披
肝血匍匐下迷悚懼失據逼迫碎首不知所陳中臣既自
傷早孤墳塋未立母因臣成疾以至於亡殺身何瘳昊天
罔極母終日近遷柩猶闕臣病危殘懼不克葬故欲偷生
忍死冀遂本情服勤墓側以畢封樹不謂殊私忽降委臣
藩岳累有懇誠天恩未許事君違命罪在殊刑喪親靡終
期不覆載去就無屆幽明受責雖大和所容而莫知所擇
且臣先患風緩今已積年往年任大理卿於朝堂悶倒困
殆良久朝臣共見自爾已來數數發動及丁艱酷此疹彌
加每常一發累日一作不起心緒煩迷若喪若失更令處

劇形必不支窳闕營葬則倍苦心形俱極死可立至若不具陳實理便成欺罔聖恩送終莫從郡務不舉無益於國兩罪何逃殘氣泯焉誰執其咎特望哀其巨痛救其將死知臣無他直以衰病惜臣微喘使延晷刻嚴命少輟禮得終非臣最爾所能上答臣今哀辭窮極莫可告訴皇天后土實鑒臣心前後所上無非至切敢有片言假託詭露虛妄天地鬼神當共夷滅臣身以謝陛下恩遇之重魂爽震越不知所忌無任懇苦之至

讓起復除黃門侍郎表

張說

草土臣說言臣私門凶咎喪紀未終不自毀滅苟存聖代忽降制書復臣工部侍郎尋奉後命授臣黃門侍郎震駭

集作

驚失圖哀怖殞絕臣說誠惶誠恐頓首頓首死罪死罪

臣弱年早孤母氏訓立得紹基構忝列簪裾從官歷年晨昏多闕播遷遠裔離別一作又苦顧復無答報養何追心

所摧感語不能喻甫至冬中禮及祥禫今已春暮瞻言幾何是臣事朝廷日長戀几筵日短乞寢嚴命許達私情訴衷祈天所望矜遂無任荒迫之至謹詣朝堂路左奉表乞哀以聞謹言

此篇六百一卷重出今已削去

第二表

前人集無

草土臣說言臣在疚承榮布哀陳款精誠無感天睠未迴假喘殘生悲懼轉集臣說誠惶誠恐頓首頓首死罪死罪

臣聞苦者不覺聲哀窮者貴其言達情有至切辭無敢隱
臣為少子慈愛所鍾每一離別輒加憂憫况臣生年多故
遠隔私庭終堂之日身限公事存既數遠左右沒復不畢
几筵痛心自傷特殊人類臣今望延數月企及再期乞恩
無多報國非晚且死重請冀蒙哀遂無任懇迫之至謹詣
朝堂路左奉表陳乞以聞

第三表

前人集

草土臣說言臣荒喘窮情拜黷旒宸一作宸聰懇誠不到未感
天心誓將身死祈恩分外謝臣本書生門非代祿數葉單
緒族無親房臣父遭憂曾祖未葬臣有兩兄一妹甥姪九
人又有中表相依尚成百口吉凶衣食待臣以辦臣今拜

職一作職忝黃閣侍奉丹墀厚祿清班一朝改官舉宗榮賴為

幸過甚人情所欲豈合稽恩正以兢兢苦心有所未盡臣

亡母在日朝夕誠臣以臣獨立無徒好直多忤知子者母

果驗所一作此言往罹大獄竄命炎海甚出晚歸貽慮非一

况涉危難傷心幾途追計生平倍增摧慕侍養日少遠離

日多即一作則臣母憂臣以終身臣其忍服練以從事情既

不同常例望在特降殊恩一作私臣先患風緩近加虛痺陛

下倘從臣數月容過并基非但寬其哀疚固亦全其生理

亡身報國庶竭後圖木植一作直有性枉之則折人願在心

違之則苦雖強一作欲為用將何以堪銜泣仰天冀蒙哀乞

無任懇迫之至謹詣朝堂路左奉表陳乞以聞

此篇六百一卷重出今已削去注異同爲一作

讓奪禮表

吳競

草土臣競言伏奉去年八月十八後編有日恩勅追臣赴京

起復尚書水部郎中依舊兼判刑部郎中知國史事聞命

驚號心手無措臣競謝中臣行負幽明禍延所怙一作街哀

茹血五情崩潰卜隣之訓永慕不追陟岵之感窮寃已及

但心同木石未能自死豈悟後篇作謂皇明旋加辟命且

臣聞在家稱孝居國必忠苟違斯理實虧禮教焉有躬嬰

荼毒而跡忝南史首伏苦蘆而名叨東觀將何以發揮帝

典褒貶人倫定一代之是非爲百王之準的臣不敢遠喻

前古廣飾浮辭自近歲以來起復者則有御史大夫解琬

黃門侍郎張說工部侍郎蘇頲皆訴哀陳款特蒙矜遂此

實成例竊敢庶幾伏願陛下敦孝理之風全通喪之典追

收綸渙俯納懇誠許其畢疚私庭終服凶次獲申負土之

禮用展攀栢之悲則雖死之年猶生之日無任荒迫之至

謹遣臣大學生終奉表陳乞以聞

此篇五百八十一卷重出今已削去

第二表 前人

草土臣競言頻表乞哀誠辭已罄未蒙矜亮將喻彌切鞠

躬周章倍增號震臣聞自昔墨縗本因兵革權宜變禮不

爲文儒後來浮薄罕存喪紀事匪軍容亦從權奪陛下休

明撫運景業惟新伏望革近代之澆漓復先王之至德况

史官之任為代準的若苟虧情禮輒徇恩榮覲目強顏操
簡書事適足玷聖朝之孝理何以樹終古之風聲特乞天
慈少加矜察使畢情苦菜少申悲露則天地之恩實為至
厚臣子之道幸此克全無任懇迫之至謹詣朝堂路左奉
表乞哀以聞

第三表

前人

草土臣競言臣去九月一日冒死哀訴冀得終服私門天
睠猶邈未垂哀察跼影窮號罔知自寘又奉十一月二日
勅史館要才須從權奪宜令州縣敦諭發遣者伏對崩號
觸緒屠裂臣某謝臣孝虧誠感奄遺憫凶瀝膽銜荼崩心
旋棘危骸殘喘豈冀生全天澤曲私屢加奪命令居史閣

是掌記言臣昔忝此官十有餘載才輕寄重答效無施未
能褒貶有章使人倫知勸典暮大訓與日月俱懸即微臣
平日其曠職如此今心形墮越荒疾失圖寧可重處南董
之司類叨班馬之列實貽貪祿之咎更招廢禮之辜顧視
等夷何施面目且三年之制貴賤同遵四時之悲几筵是
託乞歸身苦壤趨侍松塋既不自負素心亦不玷皇化干黷
已屢伏待刑書無任崩迫之至謹詣朝堂路左奉表乞哀
以聞

為李給事讓起復尚書左丞兼御史大夫第二表

獨孤及

草土臣某言臣昨以哀瘵愚懇昧死上陳冀回日月之光

曲成全螻蟻之命集作伏奉丁酉詔報未蒙矜允捧讀聖旨

五情頓絕中臣伏以適四方宣王命之任必擇職位素尚

聞望炳著學能專對有餘力者以充其選臣以宗室末屬

妄荷寵命推集作才與知俱不如人况今衰羸殘喘加以

病苦支離沉痾歷夏及秋終日不過一食不杖不能自起

自料若力疾祗命適數千里雖欲自強必中道委頓爾書

詔旨廢失是憂臣伏見廣德二年七月赦書罷天下起復

之官俾集作終喪禮此陛下孝德過於雨露集作然渙汗

之發率土霑濡集作豈獨令臣隔在赦外又尚書右丞會

府之樞轄御史大夫天下之準繩宣慰巡撫朝廷之大寄

今臣授此三職而以起復為名因臣過舉破陛下德集作

今使百寮師師何以取則臣夙遭不造備生人之艱官始

一命先臣棄背養母鞠育至於一作成立遭罹二京覆沒

第以宗室見害臣惇然茹痛獨侍板輿備嘗險阻莫及榮

養纔擢掖垣慈顏違代罔極之痛終天莫追今靈筵未塵

墳土尚濕遽命集作臣荷金印之寵處皇華之榮使總帷

廓然奠祭無主此恒情之所不忍也陛下其忍之乎伏乞

聖慈曲臨皇明下照矜臣哀集作瘵察臣不逮更擇時彥

授之使職許臣得以羸骸終其喪紀實天地之施鍾於臣

身倘殘魂不集作滅賤集作質可委誓當摩頂至踵以答

聖造臣無任哀瘵懇迫之至

第三表

前人

草上臣某言并以微誠伏閣請命綸言累降天聽未迴仰

戴聖情俯循哀感悲懼交迫悼心失圖臣某中臣才能不

及中人且未嘗有毫髮勲效陛下不以臣不肖特降殊私

授以驅馳之任賜以親賢之目臣且匍匐奉詔勦力將命

寧敢矯禮為名以讓自飾顧臣羸瘵奄奄行步支離力有

所不任用有所不逮風憲重任也宣撫大典也誠恐以疾

墜天集作命隳使職負陛下所舉以重臣之罪方今濟濟

多士盈於朝列陛下捨而不集作用而拔臣於苦蘆之中

必以臣守職集作為小有可採臣之他日猶不如人况今

匪劣餘息方寸紊矣焉能為陛下震揚休命覽觀風俗躬

自惟忖知不勝任是以拳然丹誠猶冀識察陛下仁聖孝

德錫類海內豈今善貸不沾集作臣身敢冀集作殊造俯遂微

懇則死之日生之年也臣無任哀懼之至

第四表

前人

臣某言一昨臣以哀瘵叩奉恩私封章三上不蒙矜允猥

以羸瘵之質謬銜出疆之命賴陛下威靈免貽咎責復得

待罪朝廷集作拜首集作几筵仰荷天恩集作俯慙靈祐

臣中頃陛下不以臣駑蹇特加寵渥者豈非知臣屬忝宗

明曾奉使河朔謂能闡揚天旨懷柔遠方而尚書省材賢

如林庶政必舉陛下垂拱群臣守職固不假臣以區區之

力重尸省闡明矣今將命既復本職未解敢恃皇眷輒復

陳乞臣莞然在疚獨無兄弟荼毒日淺創鉅痛甚且又疾

集作 病四體支離重寄榮遇人之所欲力有不任豈敢虛
 受此臣所由拳拳不已有望於陛下也臣伏以三年之喪
 未足申罔極之恩先王制禮以節人情臣本喪未及
集作 一年奉使已歷三月若又假國家名器食陛下祿俸是臣
 亡母於臣有終身之愛而臣於亡母無數月之報先聖以
 孝感為號陛下以孝德格天錫類之恩宜及海內今寵命
 一降使臣有不孝之日子而不孝臣亦集作 不忠不孝不
 忠人所當棄豈足為陛下操持綱轄彌綸憲章臣之頑固
 猶知不可况天下僉論朝廷與集作 公議乎伏願許臣免官
 遂臣私志儻終喪紀尚有餘息誓當摩頂粉骨以答殊私
 臣無任

第五表

前人

臣某言臣去十一月某日又詣銀臺門上表陳乞集作 至
 今積旬未奉恩旨屏營無地哀惶疚心臣某中 謝臣 最爾朽
 質叨奉明恩違天固辭豈不知罪實由恃陛下蒸蒸之德
 故敢守臣子區區之意伏以忠孝之道禮生於情資親事
 君愛敬同等臣生處聖代齒力未衰致身日長效節途遠
 獨慈親違棄永往莫追先王制禮居喪之紀有限昊天不
 弔欲報之德罔極而含哀茹痛緘衰日月九字集作而恃
集作 冒寵于貴雖欲僴俛從事使臣何以為心蓋三年之喪
 金革無避自魯公伯禽晉襄公始也實以徐戎秦師之役
 有為為之非是則否故孔子對子夏問曰以三年之喪從

利者吾不知也今朝無徐秦之難臣非金革之任竊陛下
名器是從利於喪也食稻食錦之責捨臣誰歸凡曲全萬
物使不失情集作性天地之仁也鞠育嫗煦知寒熱疾痛父
母之慈也蕙仁慈集作二字而有之明君之惠也臣是以又持
惘欵昧死上言竊希天父之恩不奪臣子之志泣血待罪
惟陛下省察無任

第六表

前人

臣頃頓首昧死詣闕累陳情狀肝膽悉已披露懇誠冀蒙
識察于今浹辰德音不下實由臣辭淺意陋無以動天哀
惶失圖跼踏無地臣某中雖親忝葭草才實駑鈍位忽
過重集作量恩亦加等宜竭筋力仰酌造化豈敢餘讓自言

企禮顧望嘗聞上有至仁之君則下無失性之臣一作人陛

下以蒸蒸聖德格于上下故臣以哀哀孝思敢辭寵榮一作

榮一作陛下豈忍抑其微誠假令臣損情變禮陳力就列亦猶

雙鳧乘鴈何補江海况敢貪不次之寵遺罔極之報因喪

從利以哀為榮此臣所以屢黷天威望廻卑集作聽懇懇

至願形於累表拳然待命惟聖慈察之臣無任

第七謝免起復表

前人兄集本

臣某言伏奉某月日批勅矜臣荒涼之情許以殘喘終喪
使奉几筵獲展哀報陛下誕敷五教惇叙九族以臣屬忝
枝葉哀纏蓼莪故恤以皇慈使及於禮天地之意曲全人
欲日月廻照下及苦廬伏讀詔書感懼交集仰戴聖造若

蚊負山屏營瞻奉惶悚殞越臣無任哀戴之至

為李懷光讓起復表二首

按舊唐書李懷光以大曆十三年起復獨孤及

神道碑大曆十二年卒今英華以此二表為及所作而本集亦無之疑誤隨前人名氏

草土臣某言伏奉某月日制書起復授臣某官兼某使捧對恩命哀號失圖微臣夙遭凶釁幼集荼毒亡母鞠育驟歷暄寒三十年間勤勞備至俾臣習武教臣觀書丁寧懇切僅至成立自逢昌曆累辱驅馳待罪朝行或申微効皆母之訓以及於斯凡在輩列莫不知委而久從王事靡有定居晨昏屢違其旨多缺則臣之於母所負實深扣地呼天萬恨何極伏願察臣哀迫許臣終喪少申子道無乖企及無任迷謬崩迫之至

第二表

草土臣某言一昨具陳哀懇冀蒙諒察旋奉墨制有阻微誠精魄震蕩五內分裂中臣為學至淺昧於禮經今冒死

上聞實私情懇迫臣年未弱冠即罹閔凶終鮮兄弟惟臣與母零丁孤苦繼以窶貧衣食所資悉資紡績比臣從戎朔漠漸列軍行適遇艱難累經戰陣北出恒趙西趨鳳翔或徃鄴下或留河上臣母別臣積愛成疾禪誦之外涕泣終日形貌支離殆於骨立及兩京既復九方攸同臣在邠寧粗申力養豈謂無狀速禍殃罰所鍾深顧起復之恩永負劬勞之報興言及此摧心痛骨則臣母於臣異於常母臣之於母不逮常人誠合服縗廬墓以終餘齒豈可忘哀

文苑英華卷之五十四
狗祿所務從權此則天地不容名教所棄伏乞納臣窮款
矜臣血誠俯遂愚衷許終喪紀倘殘生未泯子道獲全必
當竭力他年以答玄造雖復殞身鋒鏑死且無恨無任荒
迫之至

為商州吳仲孺中丞讓起復表 于邵

草土臣某言一昨瀝血上聞乞停新命聖情未察鄙志莫
申捧對天書載崩載殞臣某中臣聞忠孝同道君親一致
為子能孝為臣能忠苟或易茲固無所取臣幼多疹疾氣
柔形羸臣父閔臣弱庭慕特所鍾念一飯一藥皆自躬親十
有餘年方至成立及臣委身戎幕効職塞垣頻歲驅馳頗
乖視膳自授任中於漸列班行始遂晨昏獲申祿養豈謂
星霜未幾殃釁遽鍾拊心擗踊萬恨無及倘遂臣請得終
禮制其於子道所負猶深如或遠別几筵苟從職事此則
禽獸不若各教所無於家尚然於國何有况聖恩一昨用
臣之意本為子儀奏聞當以蕃寇憑陵遠慮河中危逼謂
臣舊將素習兵謀遂用起臣使當金革危難之日事或從
權今郊壘無虞妖氛殘滅以臣苴經更齒衣冠自顧形骸
實慚面目伏祈玄造許以終喪殘喘餘魂死將不朽無任
迷謬崩迫之至

校正七十二字

九月二十八日

千之亂魏絳致戮所以國有明賞下無濫功臣實集作常

才文武兼闕始年類表作十八投筆從戎類表作西踰流

沙東絕滄海南征北伐無所不至藉集作寵門緒忝迹軒

墀屬高宗崇德深仁孝理天下八字類表作以臣父子

集作祖父兄弟一門五人皆仗節盡忠身死王事遂超臣不次

授原州都督臣時行年始四集作十二職兼五印寵集作

絕一時階緣此恩累忝藩翰持節統郡集作前後八州皆

居塞垣當賊衝要國之重寄莫與為集作比臣雖無長策

恤戎伏胡然恭守朝章保完免失又屬陛下大聖矜老容

愚不以臣駑怯更加寵命授以青紫遣督幽州林胡構凶

王師出討士馬雲集軍務星繁糧饋戎集作甲以萬集作

億計臣無田疇鄉導之策又乏杜預度支之才空竭疲集作

一作晝夜不息以勤補拙首尾二集作年彌縫闕漏幸無

憊乏張玄遇等不謹師律賊得乘機遂敢長驅燕陲深入

趙地集作臣又無李牧東胡之畧實愧吳起西河之守使

凶狡攘奪集作遂擾邊畔論之國憲合刎頸謝罪陛下不

以臣之集作奉更授清邊軍副大總管五月恩制六月到

軍一作逆虜天亡臣又無效至於軍功戰籍叙勲定勞副

職日淺未及精覈一作大兵旋旆王師獻功而漢廷將軍

未聞辭第雲中太守已論增級今乃竊功謬賞有異集作

朝章忠誠殉節不昭類表國議一作而臣由濫其職任過

其才實類表其職任過其才上不能允副聖心中不能匡正

戎律傍招物議有紊一作軍容臣罪何逃誰執其咎伏願
乞賜骸骨貶歸私第式清朝序未覩師貞不勝待罪惶懼
之至

爲宗監請停政事表

武后

崔融

神功元年

臣楚客言臣聞古之聖君慎擇賢佐故軒轅得力牧而爲
五帝先夏后得咎繇而爲三王祖殷之盛也伊尹格于皇
天姬之隆也號叔聞于上帝斯皆應風雲之會依日月之
光社稷繫以興衰時政由其輕重粵若大周之有國也天
策金輪聖神皇帝提封千里光宅四天道化淳醲神功靜
默雖堯年無事久聞童子之謠而漢家用人或取匈奴之
笑臣某中臣疲驂強策卒無行地之功決羽曾飛終罕

天之望今臣經術淺短才能朴畧言不足以補世行不足
以勵時徒以枝葉微姻葭莩末屬遂得拔擢泥滓騫翥雲
霄食君厚祿不能有所輸報受君殊寵不能有所發明茫
然政途妨此賢路外慙衆口內愧諸心朝廷亦何異捨陸
而泛舟膠柱而調瑟當域中之有道豈天下之無人常深
鼎覆之憂每切鼓妖之懼臣之懇懇非欲自保其身臣之
區區切慮上塵於國今者契冊大勦默啜自來六合大同
四方向化加以朔旦冬至禹命惟新五星若連珠二曜如
合璧謂宜退不肖進賢良與天同休與人更始又聞管夷
吾有言曰德義未明於朝而使居尊位者則良臣不進也
功力未見於國而令處重祿者則勞臣不勸也臣有何德

此下有李嶠為建昌王請奪禮表又為臨川王辭千年將軍表文已見前存目于此

而居之臣有何功而處之臣雖至愚敢忘先誠伏乞陛下
察匹夫之志思仲父之言坦至公之方弘滅私之道羊叔
子之辭聞府臣事君以忠庾元規之讓中書君使臣以禮
博求于衆廣聽于人停臣檢校夏官輟臣平章政事臣得
避位清切待罪尚方罄竭卑誠庶幾或濟伏惟陛下容納
纖陋鑒揆愚蒙使周勃無浹背之慙虞丘有退身之地則
雖死之日猶生之年矣無任悃欵屏營之至謹詣闕奉表
陳情以聞

為王起避請辭澧陽縣令表

前人

臣某言臣伏奉恩旨授臣澧陽縣令臣才疎藝薄樵此無
庸命偶時來遘茲多幸逢上聖之初劫叅太平之末位槐

檀驟徙亟遊銓館之門草芥何為忽枉樵薪之綬召見於
赤墀之下垂恩於紫霄之上豈徒任好之魄忽上於鈞天
固亦闕澤之名遂昇於飛日仰殊私而載惕顧匪服而增
慙雖刻跡都畿永無闕庭之望然委心蓬艾長懷雨露之
仁幸欣就日之明敢憚乘流之遠但以州縣之號與臣亡
父諱同迫切私情不獲過赴伏乞天慈末錫聖造曲成弘
以孝理之風慙其心瞿之日使得策名他職陳力異邦則
地義天經實獎於名教糜軀粉骨豈醉於鴻恩一作無任
懇迫之至謹昧死陳表以聞

為定王武攸暨諸降王位表

中宗

宋之問

臣攸暨言臣聞力微任重無德者履之必危功薄賞隆有

識者陋其非據臣地因外戚器實中庸顧慙蓬艾之姿謬
 忝葭莩之末則天大聖皇后敦睦九族崇念六姻曲申循
 子之情爰垂降主之澤禮優築館恩洽錫珪拔自堂姪之
 流光以親王之位臣常再瀝誠懇集作已蒙賜等諸昆今
 陛下隆德嗣興鴻基紹復群萬物而改旦宅千齡而配永
 洛讖河圖允叶純深之義雲行雨施載流寬大之恩追奉
 先慈將覃後命外家諸子降等猶誓於山河主第增榮在
 臣更超於等數陛下雖渭陽情重沁水恩多凡是封冊王
 公終亦集作憲章堯舜以濯龍之戚今乃方於五侯綠駙
 馬之姻古未封於四履私親越禮聖人之孝理載光冒寵
 延災微臣之官謗斯久又以班參禁內秩比侍中自非德
 邁應璩識侔慶忌將何以對揚顧問規獻文章况臣位以
 恩升寵非才進無脛而至凡姿遙於珠玉無翼而飛睿澤
 借其毛羽未貽身誥幸庇容光臣亡兄攸寧循榮增懼以
臣叨鳧繹之貴日夕克競競負鼈抃之恩歲時力盡屬續之
 久再受懇言憂臣愚蒙令臣退讓倘陛下俯遂勤請集
遠察冥心納臣揆分之言置臣獲全之地去茲王號降以
 公名爰食封邑同諸兄弟賜改散職即望參朝實冀家福
 惟新朝典集作咸序天德更逾於造化神理不責於滿盈
臣無任懇款覲懼之至

第二表

前人

臣聞富貴者易象謂之崇高滿盈者至人誠其顛覆臣在

非次久冒殊恩所以輟寢思危廢冷懷懼慙欵集作慙疑之極

載陳前表備瀝中誠之訴實非外飾之詞而聖鑒未廻寵

章仍舊戴岳之重何憚力疲階原之隍日憂身墜臣某謝

臣雖學慙敦史而塗聽前言尸位者必會短期冒榮者難

為長守豈有外戚尚主異姓封王男皆公侯女食郡縣佩

服五等輝耀一門湯沐山河家傳集作諭萬戶耕夫織婦凡

有幾人役彼有勞之人供臣無億之用集作無德之費縱蒙聖心

再集作垂假其如神理不容自先后臨朝攀榮已久聖皇纂

極沐澤惟新自古迄今如臣流輦苟進者速禍勇退者獲

全且王者所以強幹弱枝為藩佐集作死封必李氏無闕

漢文集作章乞伏陛下降河渚之姻感渭陽之族賜臣軀命

永守蒸嘗得同昆季之流均至捨郡王之號臣以日為歲以

榮為憂希廻三舍之光允臣萬死之請無任覲冒之至

太陽虧為宰臣乞退表中宗

蘇頌

臣某等言伏見今月朔旦太陽虧陛下啓輟朝之典有司

尊伐社之義臣等伏自尋繹無任惴恐臣某中聞官或

迷焉疑必犯先王之誅衣弗次舍必貽上公之責此乃邦

有常刑聖有明訓頃者論道任重衮章猶缺端揆位隆昂

台是亞所以熙帝之載代天之工調六氣之和法三光之

度則大化為本非小才所宜崇替率由咎徵斯屬伏惟應

天神龍皇帝陛下光被四海對越二儀人祗宅心俊賢翹

首但置之左右以為輔弼自忠言啓沃功臣保乂用作霖

雨

雨格于皇天臣何人斯而敢叨擬議臣等智能素薄經術
殊陋望不過於掾史名不達於州閭徒以遭逢盛明頗皆
復歷參廟堂之機密為宗族之光寵者十數年于今矣忠
肅恭懿遠謝八元之名進善退惡近慙二君之美陳平有
言嘗則不稱賈誼延誚居然已得光陰久馳年禮俱逮自
應屏黜以清彝序而徘徊聖恩萬一希效僣倪殘歲甲子
空多遂超總領之司愈失具瞻之望將何以匡翼庶政儀
刑師屬且視事而老才媿千秋之賢待罪安歸憂深萬石
之裔又知塵穢寧虞負乘所以素飡加責聚誼於下薄蝕
生災見昭於上天之所戒臣不可逃陛下矜而宥之未致
于理伏乞收其印綬賜以骸骨則知胡廣罷位抑有前聞

徐防免官復自茲始臣竊其幸物誰不宜懇倒所祈惶怖
交集無任切迫之至

辭官歸滑州表

梁兢開元三年
李邕開元中

臣邕言臣素無藝能積負訕謗衆多之口自可銷金怨讎
之心每堪殞首伏惟陛下至明大聖察之纖微盛德在人
洗之瑕穢山川納者不擇薰蕕種天地覆之是霑雨露且人
荷惠澤大抵官榮今臣蒙國恩私及驅疑作命事出涯分
之外恩加父母之深已逝之寬復歸朽質既乏安地尚參
高班雖欲殺身未能報主彌慙持祿有以保名但秋燕將
辭必徘徊於大厦老馬雖去終顧步於華軒况臣今茲六
十有七光陰荏苒行止一作歌危就木之時不知幾日懸

車之歲僅有三年即以今日歸州不任遠涕戀之極謹奉表以聞

為薰江夏乞退表

肅宗

元結

臣某言月日勅賜某官某乙至賜臣制書示

臣云

者臣

伏見詔旨感深驚懼臣豈草木不知天心頃者潼關失守皇輿不安四方之人無所繫命及求王承制出鎮荆南婦人童子忻奉王教意其然者人未離心臣謂此時可奮臣節王初見臣謂臣可任遂授臣江夏郡太守近日王以寇盜侵迫惣兵東下傍牒郡縣皆言巡撫今諸道節度以為王不奉詔兵臨郡縣疑王之議聞於朝廷臣則王所授官有兵防禦隣郡並邑疑臣順王旬日之間致身無地臣本

受王之命為王奉詔王所授臣之官為臣許國忠孝

集作

之分臣實未虧蒼黃之中死幾無所不圖今日得達聖聰

集作

聽

臣今

集作

年將六十老母在堂縱未能奉義捐生則

豈忍兩忘忠孝臣少以文學為諸生所多中年自耳順逸在山澤聖明無事耳為外臣無何以鄙僻之故返為人知遂汗官次以至今日臣又頃年貶謫罪未昭洗今所授官復超越班秩罷歸待罪是臣之分今陛下以王室艱難寄臣方面臣亦已忘身許國誓於皇天伏惟陛下念臣懇至謹因勅使臣某官奉表以聞

代于京兆請停官侍親表

代宗

獨孤及

臣某言臣聞審官而用者君上之明也量力而動者人臣

類表
作時

之義也然則審官先於青實量力在於知止苟違斯道是必終凶臣以薄劣素空行藝遭逢際會累忝驅馳自受京尹向逾周月上無報國安民之効下乏推賢審已類表作進善之能官謗日深內省知愧伏以去年冬末迄于今日竊聽閭閻頗有流散在于京輦亦多攘奪臣兄枉橫為賊所傷哀苦之中忍耻尤甚雖久令分捕而竟未就擒臣之無能於茲可驗偷安重任夫亦胡顏况臣同氣數人相次淪沒閨門之內哭不絕聲應由臣無德而祿召此殃釁與言感慕痛骨摧心又臣老母素多羸瘵近從數載頗益沉綿臣妻先亡無人侍側飲膳衣服臣悉躬親頃任京兆少尹中間又司帑藏雖稱要劇亦有餘間臣每退朝便道覽視方

藥自公言歸早見安否老母以數在左右都忘呻吟及臣典領大府事繁務切鷄鳴而出暮夜方歸清晝之時莫見親面凡所服餌或非調適心有未快類表作愜疾亦轉侵在臣

焦灼類表作惓啓處無地專力養則有妨吏職徇公事則闕奉

慈顏忠孝兩虧紀綱將廢以天倫哀緒未平之日憂老母

方寸已亂之時雖欲自強必不勝任倘漸荒府政小紊朝

經類表作章他日噬臍固將何及或當重責已負前恩是敢泣

血祈天瀝肝請命特乞免臣所職就養私門非惟有光孝

理實亦少裨玄化龜蛇賤類上報何階烏鳥微情反哺斯

足無任懇願迫切之至謹詣右銀臺門奉表陳乞以聞誠

惶誠恐頓首頓首

文臣上之臣

文苑英華 卷第五百八十

校正三十四字補題目及附記四行

戊寅九月二十八日藏園老人識

文苑英華卷第五百八十